

DEFENSIO

COMPEN- DIOSA CERTIS- QUE MODIS ASTRICTA

PROBAE (VT LOQVVTVR) AQVAE

frigida; quâ in examinatione Maleficarum Iudi-
ces hodiè vtuntur, omnibus scitu per-
quàm necessaria; quatuor di-
stincta capitibus.

AVTHORE

IACOBO RICKIO LL. LICENTIATO

AB ARVVEILER.

Aggæi cap. 2.

*Percussî vos vento vrenti, aurigine & grandine omnia opera
manuum vestrarum, & non fuit qui reuertereur ad me, di-
xit dominus exercituum.*



COLONIAE AGRIPPINAE,

Apud Ioannem Gymnicum, sub monocerote.

c15. 15. XCVII.



Kittredge fund
PARTITIO TRACTATVS.

PRIMUM caput continet propositionem negatiuam cum duodecim argumentis illam probantibus.

SECUNDUM regulam affirmatiuam cum duodecim argumentis sui probatorijs.

TERTIUM caput habet responsiones ad argumenta primi capitis negatiua.

QUARTUM Autoris habet consilium in determinationem sedis Apostolicæ omnia reiiciens.

24244.174.5 *



oculis
possib
ita fia
se au
gna a
insign
nali i
templ
D
mum
pere, t
alias o
monen
per ad
ficere,
hunc n
Dei no
rei mi
filium
relinq
defens
i hoc n
conuen
ius ali
Na
charita
sanctis
rena(n

20-45
11

IACOBVS RICK

LL. LICENTIATVS CAN-
DIDO LECTORI S.



QVAE frigida probatio (quam circa Malefica-
rum examen hoc, & superioribus paulò tempo-
ribus locorū in Germania magistratus pro rea-
tu illo & exquirendo & detegendo, vsurpant)
adeò in admirationem traxit multos, ut rei (quā

oculis subiectam, praeeter omnem naturae ordinem, ac quasi im-
possibilem factu, fieri tamen reuera cernerent) causam ob quam
ita fiat, & vim per quam id ita consequatur perspectam. ipsi es-
se auidè expectarent (inanibus quippè rebus non facile talia si-
gna affigendis) functionis porro meae portio illa, quam apud
insigne Bonnense oppidum in Electorali ibidem praetorio Scabi-
nali iuratus sustineo, me in consimilem admirationis traxit con-
templationem.

Dum itaque manum admolior, dum commotum semel ani-
mum Dei spiritus dirigeret & doceret, ecce in ipso scribendi o-
pere, tot adsunt dubitandi, decidendique rationes, ut vnus post
alias obiter connotatis & animaduersis, consultationem & ser-
monem conferre cum alijs desuper inciperem. Et dum scientia
per additamenta fiunt, difficile autem sit inuenire simul & per-
ficere, idèd suasu ac aliorum consilio accedente, praeconceptionem
hunc tumultuarium laborem, quatuor Capitibus distinctum in
Dei nomine luci dare placuit, ita quidem, ut definitionem eius
rei mihi nullam, sed humanitatis cognoscendi & differendi con-
siliū adsumerem, alijs hoc idem perficiendi ac determinandi
relinquerent Contentus si facti nostri Scabinalis ratio, ac rara
defensio non modò constaret omnibus, sed etiam posteritati to-
ti hoc meo capto causam praebere, laius, & quod maxime
conueniat, Theologicè ac mysticè rem hanc plenius ac perquisi-
tius aliquando tractandi.

Nam omni semoto dubio, antiquus ille serpens (dum ardor
charitatis auitae ac constantiae Christianae olim miraculosè ac
sanctissimè celebratus, nunc resfixerit, ac apud plerosque ter-
rena (non tota) caelestis omnipotentiae habita recordatione vel

PRAEFATIO.

respectu) consellantes, extinctus ferè sit.) non desistat persuasio-
nibus, fantasijs & illusionibus suis hominum cogitationes &
conatus ita delinere, ita transuersum agere ac fascinare, ut in
demonomania hac contemplanda, compescenda ac eradicanda,
non debitum sint momentum ac venerationem daturi diuino
potentiae ac voluntati, sed arbitrium ac censuram huius rei pe-
ne totam in illum, cuius artes ac stratagemata tractantur, de-
leguntur ac remediuntur, coniectari ac derivaturi. Et hac prae-
cipua latens admodum eiusdem prestigatoris vna decipida fu-
it, quod ita circa materiam hanc irretitos habuit ac demeratos
mortalium animos mentesq; obnubilatas, ut depressis & nō ele-
uatis cordis sui oculis nō putarint Deum circa huius magicæ de-
fectionem ac manifestationem (quam operatur Magistratus)
extra illius mali hospitij consortium quicquam cooperare volu-
isse vel velle, sed vel ad tentationem diuinam vel impossibilita-
tem facti, vel demonis pactum vel Canonum interdicta decur-
rerint. Accipe itaque Lector beneuole, hilari fronte nouum hunc
nostrum elucubratum laborem ita quidem legendum, ut dum
superiorum accesserit (quorum est) censura, legis vim obtineat
minimè, sed liberalis exercitij locum vindicet maximè Vale &
candide quod candidè factum est, interpretator, sin secus fiat,
senso ego nullum reprehensorem esse formidandum veritatis
amatori, quæ peti quidem potest gladio, iugulari non potest.

COM.



ne
ner
cun
pad
can
nec
tuti
S
tent
rum

COMPENDIOSA CERTISQUE MODIS ASTRICTA DEFENSIO

PROBAE (VT LOQVNTVR) AQVAE
frigidae, quæ in examinatione Maleficarum
plerique Iudices hodie v-
runtur.

*Probatio aquæ frigidae, qua Iudices & Magistratus locorum
aduersus Magas pro earum culpa vel crimine Magiæ dete-
gendo in Diocesi Coloniensi hoc serè tempore sunt vsi, à ple-
risqne Auctoribus qui in eam rem scripserunt, adeò impro-
batur, vt putent talem probam, vel iudicium adhibendum
omninò non esse. Quinimò facientes, consentientes, & qui
confidunt in eis, in laqueum incidere diaboli, mortaliter peo-
care, confessionem inde elicitam nullam, sententiã publica-
tam erroneam, & pariter nullam esse.*

CAPVT I.



DDVCVNTVR ad id varijs argumē-
tis: Primò, quod illa proba sit superstitio-
sa & idololatrica, infidelitatem sapiat, &
sit opus diabolicum. Ea ratione, quòd im-
plicitum quoddam pactum cum dæmo-
ne tacitè & ipsa vi facti initum, etiam præter intentio-
nem facientium, contineat. Nam Magos qui fascinant
cum sathana pepigisse, vt res contra naturam faciant:
pactum enim tale implicitum vel tacitum sit, quoties-
unque aliquis contendit facere quid per causas, quæ
nec virtute naturali, nec ex diuina aut ecclesiastica insti-
tutione possunt illud efficere.

Secundò, quod Deus per id experimentum videatur
tentari: nam dum omninò contra naturalem id sit re-
rum ordinem, & ab eo iudicio profectum, quòd impos-

A

sibili-

DEFENSIO PROBÆ

2
sibilitatem seu naturæ accusatricem, vel et testimoniū naturæ contrarium secum importet, idē tentationē & quasi in dubiū vocationem includere, vel insinuare potestatem illius qui naturæ autor est & magister. Vnde Christianos nos Iudaifantes signum requirere videti, quemadmodum in nouo testamento sæpius fecerunt Pharisei, Matth. cap. 8.

3
Tertiò, quòd hæc tentatio neque in humanis, neq; in diuinis literis vllum habeat fundamentum, sed expressis earum sanctionibus sit vetita & abrogata, c. Mennam. c. consulisti, & c. Monomachiam. 2. q. 5. c. final. de purgat. vulgari, extr.

4
Quartò, quòd quicumque iudex per vetita & illicita media etiam pro veritate indaganda procedit, is non modò mortaliter peccat, sed etiam de syndicato tenetur. Nam præstigias Magorum, & miracula contra naturam habere pro præsumptionibus iuris esse iniquissimum.

5
Quintò, quòd tales effectus, iudiciumque illicitum reddatur idē, quòd ordinetur ad iudicanda occulta, que diuino iudicio saltem referuantur: Nam vt dicitur Ieremiæ cap. 10. A signis cœli nolite metuere quæ timent gentes, quia leges populorum vanæ sunt, tūc etiam quia huiusmodi indicium nulla sit diuina authoritate, vel exemplo sancitum.

6
Sextò, quòd proba vel indicium hoc nullam iustā vel sufficientem de sui necessitate causam habeat adiunctā, sicq; temerè & sine recto fundamento præsumptū.

7
Septimò, Ioannes Bodinus in libro de dæmonomania Magorum, lib. 4. cap. 4. prope finem (vbi multis antè collectis præsumptionibus, ex quibus reatum prehensū velprehendendæ Maleficæ iudici arguere liceat) sentire videtur hanc aquæ probam illicitam, ac multū fallacem esse, dūm per tale indicium insinuare diabolū se & commutare dicit in scholam Magorum, obrepere ac fascino inuoluerē iudices sentit.

8
Octauò Petrus Binsfeldius Doctor, Theologus, ac in diocœsi Treuirensi etiamnum Suffraganeus, qui insignem

AQVAE FRIGIDAE.

fignem tractatum de Confessionibus Maleficarum ac
 fagarum edidit, in secundo membro suæ quaestionis ali-
 quot conclusionibus præmissis, in primo dubio existi-
 mat, dæmonem sua virtute hominē per aëra ferre ac in
 remotiss. loca quasi in puncto tēporis posse collocare.
 Ergo etiam eundem in aquis sua potentia sustentare, ac
 eleuatum tenere, ne submergatur, posse.

Nonò idem Theologus ac Suffraganeus ibidem ita 9
 ratiocinatur: similitum similis est ratio, & si in lege pro-
 prius casus non exprimeretur, ad similem expressum,
 ubi est identitas rationis, confugiendum est, sed proba-
 tionis aquæ frigidæ eadem est ratio, quæ candentis fer-
 ri vel aquæ feruētis. Tales autem probationes sunt per-
 uersæ ac superstitiosæ, iuxta c. fin. extr. de purg. vulgari.
 & 2. q. 5. c. Mennam, & c. consuluiſti, S. Thom. 2. 2. q. 95.
 art. 8. ad 3. S. Antonius 4. part. tit. 15. cap. 34. §. 2. Ioan. de
 Turre Cremata in d. c. consuluiſti. Panor. in d. c. fin. Na-
 uar. in manuali confessoriorum, cap. 11. nu. 39.

Decimò, quòd si implicitum pactum etiam præter 10
 intentionem facientium cum dæmone, tunc haberi dici-
 tur, quādo propter factum nostrum superstitiosum (hoc
 est tale, quod non per totum neq; omnimòdò ac insoli-
 dum, sed cum quadam addubitatione, & per adminicu-
 lantem aliquā, deuiantem extraneæ ac minimè appro-
 batae ceremoniæ causam vel ysum in Deum vnicū no-
 strum est defixum & radicatū) is dæmon de vno præcō-
 cesso antecedente, id in consequens minimè cōcessum,
 neq; de intentione hominis inde consequuturū exten-
 dit, & suo more interpretatur: multò magis hic idē fieri
 dicetur, dum neque Deus, neq; boni angeli quicquam
 quod ad hanc abdicatam, ac semet ab cœlesti patrimo-
 nio sponte exhæredantem maleficam attinet, commer-
 cij, auxilij, seu gratiæ quicquam ostendere, vel circa ean-
 dem manifestare velle videntur: Atq; hoc esse ac existi-
 so forte profluere existimo id quod Cancellarius ac Theo-
 logiæ facultas in alma Vniuersitate Parisiensi in de-
 terminatione publicata die 19. Septembris, Anno
 1391. articulo tertio, hisce verbis edixit: Et inten-

dimus esse pactum implicitum in omni obseruatione
superstitiosa, cuius effectus non debet à Deo vel natura
rationabiliter expectari.

- 11 Undecimò, spontanea confessione, facti euidentia,
vel testium integræ opinionis approbatione publicata
delicta, habito præ oculis timore Dei, commissa sunt
Magistratus regimini iudicanda: occulta verò & inco-
gnita illi sunt relinquenda, qui solus nouit corda filiorū
hominum. Nam quod sanctorum patrum documento
sancitum non est, superstitiosa adinventione non est
præsumendum, c. contulisti. 2. quæstio. 5. c. fin. extr. de
purgat.

Tutius ergo, ac in casum non cognitæ rei, & liqui-
dem de causa ad condemnationem vel absolutionem
vsque ipsi non liqueat, consultius esse videtur, si iureiur-
ando sese exoneret iudex, secundum legem. Idem Pom-
ponius §. fin. ff. de recept. arbitr. l. Pomponius. 36. ff. de re
iudica. Cuius exemplum est apud Gellium Noct. Atti-
carum lib. 14. cap. 2. vel vt propter ambiguitatem proba-
tionum, difficultatem, vel votorum diuersos, & sibi i-
psis, non eadem sententia cōstantes sensus iudicantium
actorum testificationes ad superiorem iudicem referāt,
eiusdemque sacras iussiones expectent, toto tit. ff. de re-
lationibus. l. solet, l. si quid erit, ff. de offic. proconsul. l.
eum quem temerè, §. fin. ff. de iudic. & C. de iudicib. §.
fin. Idque idè, ne conscientiam suam probabili ac vi-
cino peccandi exponat periculo, quòd qui amat, peribit
in illo.

- 12 Postremum verò & hoc constat, firmissimeque cre-
dendum videntur, hanc aquæ probam esse valdè peri-
culosam, maxime aduersus eas, quæ innocenter in eis
tentantur, & vbi comperta indicia Iudices fortè fefel-
lissent.

Nam si demus dæmonem de potentia principatus
& virtute proprietatis suæ, quam à Deo habet concess-
sam, hominem super aquas eleuare, & ne mergatur, de-
tinere posse (cuius tamen contrarium asseruere conabi-
mur in resolutione octauæ argumenti infra.)

AQVAE FRIGIDAE.

5

Tunc & hoc demus necessum erit, quodd hoc habeat antiqui illius hostis inuidia, vt quos improborum actuum perpetratione Deo sibi resistente, deicere non valet, opinionem eorum falsa ad præsens simulando dilaceret, c. habet. 2. quæst. 4. pro quo ad manus facile habet mille nocendi artes, ac nomina mille.

Ne itaque huic veterano & præstigijs diaboli illusionibus patulus detur locus, præstari videbatur, in ambiguis mitiorem partem eligendo, impunitum relinqui facinus nocentis potius, quàm innocentem damnare: ne plus opinio, quàm iudicium in iudice polleat rationis.

Nam & aliàs constat propter incertitudinem, & summam rerum difficultatem delicta sæpè impunita mansisse, dum non ius, sed probatio deficeret, argum. l. duo sunt Titij, ff. de suspect. rut.

Quinimò & hoc interdum vidimus, constantem vicinæ famam, dum ad veritatis, vel originis sui fontem exploratio & autoritas haberi cœpta est, aut euauuisse prorsus, aut inuolutam sæpè & contrariam inextricabilemque iudicibus extitisse multoties, iuxta illud: Fama malum grauius, quàm res trahit. Item & illud Vergilianum:

Fama malum quo non aliud velocius ullum, &c.

Duodecimò, admodum huic sententiæ aduersatur 13 insigniter in praxi famosus lureconsultus Matth. de Afflict. in Constit. Neapol. lib. 2. in rubr. 13. de legibus parilibus sublati, vbi dicit: probationem vel oblationem innocentiae per tactum ferri igniri, aquæ bullientis, vel submersionis in aqua frigida esse falsam, diabolicam, & idè reprobam, non solum in iure Canonico, vti supra demonstraui, sed etiam per dictam constitutionem Regni: Eorum (inquit Constitutio) sensum videntum duximus, qui reum criminis constitutum ob conscientiam lesam, tantum asserunt, ab aqua frigida frigido elementulo non recipi, quem submergi potius aeris competentis retentio non permittit, vbi glo. inquit, submergebantur in aqua frigida tribus vicibus.

Vbi idè dicitur probatio parilis, quasi apparabilis, hoc est, quasi in vulgus aliquod innocentia vel nocentia signum per istud experimentum appareat, hinc etiam nominatur probatio peregrina, extranea, vulgaris, eò quod vulgus illas cõtra leges tam diuinas quàm humanas ex mera superstitione introduxit, c. consului. 2. quæst. 5. idè reprobata, quia per eam tentatur Deus contra naturam, nam naturale est, quod ferrum est lædens carnem. Idè si dicatur ab inculpato: Ego sum innocens, volo accipere ferrum ignitum, vel stare in aqua bulliente, vel submergi in aqua frigida tribus vicibus, & non me lædet, & si me læsit, sum nocens, &c. quia scriptum est in lege, Non tentabis dominum Deum tuum. 22. quæstio. 2. c. quæritur. Deuteronom. cap. 6. Hæc enim probatio fuit inuenta fabricante diabolo; quia est ludibrium periculosum, & scandalosa tragicæ dicitur initium fallax, & sine veritate; quia opera diaboli non sunt cum veritate: Probationes ergò debent fieri secundum quod iura communia & sanctæ constitutiones ordinant, scilicet per testes aut instrumenta, aut legitimas probationes.

Vnde iudex, dicit Afflictus, nullas tales probationes admittere debet, & vide inquit quæ dixi in §. si quis hominem, vbi retuli sententiam fuisse declaratam nullam pro eo quia lata in fauorem eius qui vicit in duello de certis bonis stabilibus.

14

Tandem verò inter omnes autores qui hanc aequæ probam improbant, præcipuus & nouissimus est Ioannes Godelmannus in tractatu suo de Magis, veneficis, & Lamijs, &c. vbi is lib. 3. cap. 5. sed adfert talium veritarum explorationum ac tentaminum genera. Et licet ad singulas earum species singula, imò plura adferat exempla, quibus veritas detecta ac reatus emicuit eorum qui fuerunt insimulati, tamen tales explorationes ad vnum vsque omnes concludendo rejicit ac damnat.

PRIMUM genus esse dicit per flammam, Orthodoxus quidam Episcopus, inquit Theodorus lectionum lib.

lib. 2. cum Arriano contendens, eam conditionem proposuit, ut verborum aucupijs relictis, ignem ingrederentur. & sic ostenderent vtra sententia magis pia esset, Arrianus conditionem detrectavit accipere. Sed Orthodoxus ignem ingressus è rogo disputavit, & illæsus seruatus est. Abbas Urspergensis: Petrus (inquit) Albanensis Episcopus obiit, iste per indicium ignis immensam pertransiens illæsus pyram, vestimentis etiam per flammam volantibus, sed in nullo læsis, Petrum Florentinum Episcopum declarauit simoniacum: vnde & ipse postea Igneus est appellatus.

SECUNDVM genus fit per indicium Crucis, vt in testamento Caroli Magni apud Nauclerum, si causa controuersæ inter partes orta fuerit, quæ hominum testimonio definiri non potest, volumus quod ad declarationem rei dubiæ indicio Crucis DEI voluntas & rerum veritas inquiratur. Et in capitulari: Quod si accusator contendere voluerit de ipso petiurio, stent ad crucem, & si iurator vicerit, lege sua accusator emendetur.

TERTIVM eiusmodi genus est per sortes, de quibus infra in capite secundo. Est & aliarum sortium genus, de quo ibidem Godelmannus ex legibus Frisionû libro 14.

Genus QVARTVM est per corpus Domini, cuiusmodi fuit illud, de quo commemorat Gregorius Turo-nensis libro 10. cap. 8. Tu verò, si idoneus es, vt adseris, accede propius, & sume tibi Eucharistiæ particulam, atque impone ori tuo, erit enim Deus respector consci-entia tua. At illæ acceptâ Eucharistiâ communicans abscessit.

QVINTVM explorationis furiosæ genus per fer-rum candens vel ignitum introductum, ad exemplum potionis illius quæ stupri insimulatis mulieribus exhiberi solebat: illa portione sumpta, si mulier rea erat stu-pri, pertransibant illam aquæ maledictionis, & inflato ventre computrescebat femur eius, eratque in

exemplum omni populo. Si verò stupro polluta non erat, nihil ei potius sumpta nocebat, ut prolixè Numero-
rum ca. 5. & in c. in libro. 2. quæst. 4. traditum est. Sic mul-
lier nobilis cuiusdam viri, quem Maria coniux Othonis
Tertij falsò accusauerat, quòd se de stupro sollicitasset,
ignitum ferrum in conspectu omnium illæsa pertulit,
Crantius in Saxonia lib. 4. cap. 26.

Sextum genus talis experimenti fit per aquam fer-
uentem vel frigidam, æquè uti superiora omnia, prohi-
bitum & abolitum.

- 35 Ex quibus omnibus & singulis videbatur in hoc
ambiguitatis puncto ad illa esse potius recurrendum re-
media, quæ tradunt Doctores Mallei, in tertia principa-
li, tertio eiusdem partis membro, scilicet qualiter pro-
cessus maleficialis per debitam sententiam congruo sit
fine terminandus in tertio modo seu quæstione 22. ubi
ratiocinatur de illa malefica, quæ propter infamatio-
nem solam, & tam potentem quæstionibus venit sub-
denda.

Vbi dicit, quòd si quæstionanda sit varia, non per
totum, sed ambiguè in negatiuis consistens, ad sintque
indicia, aliquo modo ad quæstionem sufficientia, tunc
per iudiciale decretum eandem ad tormenta adiudican-
dam esse.

- 36 Non tamen sit iudex multum voluntarius, inquit,
ad quæstionandum aliquam, nam quæstiones & tor-
menta non inferuntur nisi in defectum aliarum proba-
tionum. Et ideo prius perquirat alias probationes, quas
si non inuenerit, teneatque probabiliter iudex quod de-
latus sit culpabilis, sed metu negat veritatem, tunc bo-
nis modis, & quandoque cautelosis, adhibitis eius ami-
cis inducentibus eam ad veritatem, faciat suam diligen-
tiam omnem, ut ab ore eius habeat veritatem, & nego-
tium non festinet. Nam meditatio frequens, carcerisq;
calamitas, ac replicata informatio proborum virorum
multum dispoñat ad veritatem eruendam.

- 37 Quod si delato conuenienter expectato, & tempo-
re congruenter pro.ogato, ac eodem multipliciter in-
formato,

AQVAE FRIGIDAE.

formato, in negatione sua delatus persistat, tunc fide bona Episcopus & Iudex credant, ipsum delatum negare veritatem, idè quæstionent eam moderatè sine effusione sanguinis, scientes quod quæstiones sint fallaces & inefficaces. Nam aliqui sunt ita molles corde & vecordes, vt ad leuem torturam concederent omnia quæcunque falsa, aliqui autem sunt ita pertinaces, quòd quantumcunque vexarentur, ab eis veritas non haberetur: Aliqui sunt, qui fuerunt aliàs quæstionati, & istorum aliqui melius sustinent quæstiones, quia brachia statim trahuntur & flectuntur, aliqui autem remanent debiliores, & sic minus sustinent quæstiones: aliqui etiam sunt maleficiati, & in quæstionibus vtuntur maleficijs, qui antè morerentur quàm aliquid faterentur, efficiuntur enim quasi insensibiles. Quare in quæstionibus cum maxima prudentia est agendum, & ad conditionem quæstionandi quamplurimum attendendum.

Cum autem lata fuerit sententia super quæstione habenda, mox ministri se disponant ad quæstionandum delatum: interea Iudices, vel alij viri inducant quæstionandum ad fatendum liberè etiam compromittendo ad conseruationem vitæ, si opus sit.

Quod si fateri adhuc noluerit, die assignata quæstiones continuentur, & alijs grauibz tormentorum quæstionibus subijciatur fortius vel leuius secundum maiorum culparum grauitatem, ac personæ qualitatem. Et poterunt iudices (inquit Malleus) multas cautelas licitas adhibere, & in verbis & in factis vt veritas habeatur, quas magis docet experientia, vsus, & negotiorum varietas, quàm ars alicuius aut doctrina. Vbi autem decenter quæstionatus & tormentis expositus, noluerit detegere veritatem, amplius non vexetur, sed liberè dimittatur. Si verò non persistiterit in negatiuis, sed confessione propria veritatem protulerit, culpam agnoscendo, & ab Ecclesia veniam postulando, idque in hæresi fidei seu religionis, tunc abiuratione solenni modo facta, satisfactionem congruam ad arbitrium Episcopi, vel iudicis Ecclesiastici excipiet, & non tradetur brachio seculari.

culari neque ultimo supplicio erit feriendus: nec si sit clericus, degradandus erit, sed est ad misericordiam admittendus, iuxta c. ad abolendam, §. præsentī, ext. de hæret. sed abiuratâ primitus hæreticâ prauitate in perpetuos carceres erit obtrudendus, iuxta c. excommunicamus. §. si quis. eod. tit.

21 Verum in hac maleficiali hæresi confessus vix vitæ adseruatur, sed pro apparenti conditione maleficiali aut verè aut fictè vel simulatè resipiscentis, ac cordialem cōtritionem facientis, aut porriguntur eidem sacramentalis gratiæ, aut denegantur; interim omnibus pijs & publicis cohortationibus ad omne bonum, spem & confidentiam in Deum per deuotos sacerdotes cohortantur & examinantur, prout habet praxis rerum magistra.

22 Quòd si verò vir vel mulier maleficii insimulati & quæstionati in negatiuis perstent, indicia contra se prolata rationabiliter excusando, negando, contrariasve probationes offerendo: tunc iudex eo in carceribus detento, perquirat amplius, & proclamari faciat, si in similibus culposus vel suspectus fuisset, & multa mala de illo dicantur, vel si lachrymas non emittat, si insensibilis ad tormenta appareat, si post tormenta omnibus vicibus citò restituitur, tunc cautelis & fallacijs erit vtendum potius, quàm dimittendus; Et si quidem omnia defecerint, tunc militantibus fortissimis & violentissimis præsumptionibus contra delatum non erit statim dimittendus, sed per annum ad minùs squaloribus carceris mancipandus & cruciandus, sæpissimè etiam examinandus, præcipuè sacratoribus diebus. Hæc ferè Malleus. Ex quibus euincitur probam aquæ nunquam ferè admittendam, sed secundum præscriptum de iure modum ad condemnationem vel absolutionem procedendum.

AQVAE FRIGIDAE.

Introductio in Caput Secundum.

SED nos qui ad Magiæ iustitiam & examen inter-
ra Colonienſi, præſertim verò in Electorali ſcabinali
prætorio Bonnenſi nuper adſedebamus, hanc ſenten-
tiam cum ſuis rationibus neque omninò reſpuendam,
neque in totum amplexandam fore exiſtimabamus:
Nam cum iudicantem oporteat cuncta rimari, ac ſin-
gula rerum momenta plena indagatiōe plenè ac ſol-
licitè perquirere, nihilque intentatum relinquere, nos
& criminis huius ſumma deteſtabilitate & periculo,
quod ex eiufdem impunitate tam nobis quàm cæteris
impendere videbamus, attentis, mediā viam eligen-
dam putabamus.

Quocirca & tutius, & functioni noſtræ conueni-
tius fore, ut ſiquidem contra delatam perſonam indi-
cia ad præhensionem ſufficientia militaſſent, deinde cō-
tra eandem iam incarceratam vehementiores præſum-
ptiones (etiam ſpecies facti) inſurgerent & accederent;
quæ ad torturam communiter ſufficientes eſſe poſſent;
tunc non quæſtioni ſubijciebantur ſtatim, ſed pro
confortatiōe præcedentium indiciorum, probam
aquæ adhibebamus primitus, non ad convincen-
dum eā per hanc, ſed præparandum & muniendum
torturæ viam, & momentum faciendum tantò confi-
dentiùs.

Accedebat ratio huius facti noſtri & altera, nam-
dum in votorum collationibus indicia (quæ iudicibus
arbitraria & prudentia potiùs eiufdem expendenda
ponderandaque relinquuntur, quàm de iure certo præ-
ſcribuntur. Jacob. Menochius de Arbitra. iudic. quæſtio-
num lib. 2. centu. 3. quæſtio. 270. Barb. & alij in l. final. ff.
de quæſt.) alia alijs leuiora, certiora vel infirmiora, mi-
nus magisque ad torturam ſufficientia videbantur, hoc
tentamen certitudinis quid in hanc vel illam partem il-
liſ adijciebat.

Dum itidem haberemus compertum, ſathanam
diſ.

DEFENSIO PROBÆ

22 dissuadere, ac omninò sagas suas cò intentionis animæ, ne vllis tormentis euiçti verum faterentur, qui etiam torturæ sensum illis potens esset adimere interdum, vt aiunt, & illas insensibiles reddere. Ideò ne veritas è tot collatis præsentibus indicijs in maiorem Dei & hominum offensam virium pateretur, statuebamus in adniculum probam aquæ, & quasi in præparamentum saltem adhibere, quo sic ad quem modum, & quousque torquenda esset, post tanto certius dignoscere & discernere possemus.

27 Extra enim tot tantaque comperta indicia, nullam aquæ tentamini personam subiiciendam putabamus, neque enim debet iudex cum alterius famæ periculoso dispendio temerè vagare, maximè dum expressa legis adhuc destituebamur admissione: cùm fallax & mille artifex ille impostor fucum facere, seu palpam obtrudere interdum iudicibus magistraliter esse edoctum probè nossemus.

28 Quam ob causam pleræque è leuioribus indicijs & præsumptionibus comprehensæ, vbi generali inquisitione facta, nulla quæ adminicularentur prioribus, indicia superuenirèt, aut ante aut post aquæ probam purificatione Canonica indicta, ac eiuratione solenni præmissa, per nos dimissæ sunt & restitutæ.

29 Accidit insuper apud nos, quod tam viri quàm feminae videntes cognatos suos & nudos & pedibus manibusque ligatos super aquas instar plumæ ferri, quantumvis neque arte, neque motu vllò natandi instructos, volentes insuper & sensum tactus in semet experiri, venia à Magistratu obtenta, ac flumini traditi, penèque ad suudum merfi (homines enim & cætera animata pleræque sensim & non ilicò vt lapis, vel plumbum subsiduat & demerguntur, cum non solida, sed concaua & mixta corpora sint) ipsi cognatorum suorum & accusatores extiterunt ac vindices, & probam illam minùs quàm cætera fallere edixerunt indicia.

30 E diuersò contigit vetulam quandam stipite arundinco nixam (quæ ante complures annos maleficij vnà cum

AQVAE FRIGIDAE.

cum marito & sorore inſimulata, accomprehenſa, his ſupplicio abſumptis: illam, quod & leuiora tum contra ſequam cæteras præſumptiones militarent, pariterque grauida & proxima partui eſſet, in exilium fuerat relegata, vbi cõtra identidem geminatum ac ſub poena Magiſtratus interdictum prouinciæ ac habitationi ſuæ veteri ſe intuliſſet) comprehenſam, ac aquæ ad ſubmergendum hoc anno 1394. adiudicatam, carnificique traditam, tanta potentia aquis ſeſe ſæpius, interdum & uſque ad humeros videndos extuliſſe, & quaſi ebulliſſe ſeu proſiliuſſe, vt demergente & obtrudente eam ſæpius Conto carnificis, ſub aquis vix contineri potuerit, extititque tum multorum ſermo, ipſam, niſi tanta vehementia Conto per carnificem fuiſſet depreſſa, ac in aquis detenta, ſacili & quidem celeriori negotio quàm homini eſſet poſſibile, enaturam ac euasuram fuiſſe.

Quod nos vt fabuloſum quemadmodum ridebamus, ita mirari ſatis non potuimus, mulierem illam & grandi lapide prægrauatam, ligatam, ac vt videbatur coram prætorio ſemimortuam, ſenio ac præſenti terrore viribus propè omnibus deſtitutam, in aquis tantam vim & laborem exercere potuiſſe, planeq; Maleficam ac cremandam, quàm ſubmergendam illam potiùs fuiſſe cenſebamus.

Ibi in huius rei vehementiorem meditationem excitati, dæmonum maximam quandam vim, in & ſuper aquas eſſe tunc temporis adhuc putabamus, ſed an illa ſit excluſiua (permittentis & non aliter fieri volentis) Dei præſertim in eas Maleficas, quæ in ordinarij iam Magiſtratus manu (qui Dei, non hominum exercet iudicium) verſantur. Et quod Deus ludificationes dæmonis tantas & tam potentes in ſagas iam comprehenſas & iuſtitiæ ſubiectas, ſeu etiam in ludibrium Magiſtratus permittere & eſſe vult: Item quod tam perditam, deploratam, ac Sathanicam, vt ita dicam, iam apud ſagas aquis traditas vel tradendas exiſtat adhuc Vis, intentio, votum ac voluntas (ex quibus pactum hoc proficiſci eſt neceſſe.) quanta tum cùm libertate adhuc gaudebant,

DEFENSIO PROBÆ

debant, id admodum addubirabamus, & iam propè-
rat; vt responderemus quærentibus, quemadmodum
responderunt Malefici Pharaoni, non valentes incanta-
tioni quicquam proficere amplius, Digitus Dei hic est.
Exod. cap. 7. & 8. Neque enim est consilium aduersus
dominum, &c. Et quis scrutabitur vias eius?

33 Cogitabamus etiam Maleficam (etiam si enixa for-
tè voluntate sua in aquis hoc veller) non potuisse cum
Sathana pacisci, vt: vel ne submergeretur: nam licet libe-
ram voluntatem (ligato per Magistratum corpore) ho-
mini malefico adimere non debeamus neque possimus:
tamen quod liberam quoad dæmonem per omnia ha-
beat voluntatem & potestatem cum eodem effectuali-
ter coniunctam, seu etiam quæ & quanta tunc dæmo-
nis potestas in hoc esse possit, id rursus ne determine-
mus, relinquere libuit adhuc.

34 Inde nihilominus maiori occasione assumpta in va-
rias dubitandi rationes & motus animum cepimus in-
flectere nostrum, neque solum omnes quoscumque in
eam rem scriptores contigit videre nobis, studiosè per-
legimus, examinauimus, ac momenta causarum singu-
la diligenter expendimus, sed etiam cum doctis ac notis
viris interdum confabulamur. Atque verò omnibus
perpenſis ac ponderatis in eam reſedimus tandem ſen-
tentiam, vt regulam conſtitueremus talem, quam dein-
de argumentis per nos collatis communitam ac firma-
tam (rationibus decidendi ad ſuprapoſitas dubitationes
additis) illuſtriorẽ ac magis illuminatam reddidimus:
Regula itaque ſit hæc.

35 Iudices qui ad Maleficij vel Magiæ crimen exami-
nandum dijudicandumque confident (quas vt de re gra-
ui ac humanæ ſcrutationis captum & ſenſum exceden-
te conſultiffimos, ac varijs rerum experiencijs exercita-
tiſſimos eſſe conuenit) indiſcijs quæ ad torturam de iure
ſufficiunt præcedentibus, poſſunt in ſupplementum
plenioris & legitimæ probationis, aquæ probationem
ſine conſcientiæ læſione ita facere, vt dilucido & ſtri-
ctè lectori mandato ſufficienti interuallo interiecto, appa-
rere

AQVAE FRIGIDAE.

rere ipsis ac omnibus circumstantibus de natatione vel submersione delatae euidenter possit, præstatque hoc interuallum vnum esse & aliquanto laxius, imò ad solius iudicis, non etiam carnificis arbitrium distinctum, nisi duabus vel tribus vicibus interpolatam esse debere, propter submersionis periculum, vel aliam quamcunque iustam ob causam iudex fortè arbitretur.

Nam iudices circa hanc probam ad lictoris vel carnificis factum & intentum diligenter debent aduertere, quo omnis indiligentia, fucus, fraus, collusio, vel implicatio absit.

Homo quippe per se & de natura sui non in puncto neque ad momentum dum aquis committitur, sed tractim ac paulatim subsidet, alius alio citius, alius alio tardius. Summa itaque ac solerti prudētia arbitrium iudicij in hoc puncto aut intendet aut remittet vel moderabitur, vt sic vel quod naturæ ipsi, vel quod miraculoso huic indicio naturam superanti inest, tuto ac certo perspicere iudex possit: præstatque ante mersionis actū desuper consultationes habere iudicantes, vel solos inter se, vel adhibito si videbitur carnifice, ipsique dato cū requisitis certo mandato.

Ad hanc verò regulam duo in primis quàm diligentissime aduertenda esse cēsemus. Primò, quod quemadmodum tam diu iudex hoc experimentum non debet adhibere, nisi vehementissima indicia, & plusquam ad torturam sufficientia præcesserint, vt sic non modo tentationis, sed etiam temeritatis suspensionem effugiat. Ita quando legitimè reus conuictus, vel ipsa facti notoritate res luce meridiana clarior effecta est, hoc tentamē aquæ siue frigida siue bullientis adhibendum minimè existimo, c. secundo, ext. de probationib. & ibi Canonistæ.

Sicut & in hoc crimine propter difficultatem eius comprobandi speciale esse puto huius aquæ probationis admittendæ, in reliquis canonicæ & ordinariæ purgationes & probationes sufficiunt.

Porro

40 Porro, licet Panormitanus in c. licet sententiam, in fin. extr. ne clerici vel monachi, &c. de diuerso modo tradat purgandi per aquam frigidam, scilicet quando innocentia eius quidelatus vel suspectus habebatur, si in aquam coniectus supernataret, manifestabatur: nos tamen in hoc genere morem suprapositum non relinquimus.

41 Fertur quoque in plerisque regionibus morem illum inolescere, vt tam constanti fama suspectas sagas redditas, prout suprâ demonstrauimus, ad stateram vel libram adpendant iudices, & hoc modo experimentum culpæ faciant, esseque testatum & compertum multoties, quod nocentes reę etiam crassissimæ & corpulentæ mulieres non vltra quindecim aut tredecim pondo attraxerint, &c.

42 Vbi & hoc in vsum vertitur quærendi; an circa illam quæ iam aquis tentata est, etiam hoc experimentum liceat exercere bilancis vel bilibris? Finge, inter iudicantes non conuenire, alijs dicentibus, aquæ adhibitu experimentum indicia circa rem præcedentia confirmare, reatumque eius iam magis fore, & ad torturam indubitatum, certum, ac sufficientissimum: Alij contra, indiciorum vires per hanc aquæ probam esse eneruatas, fluxas factas ac incertiores, eò quod natatio in aqua non certa, non præter neque contra naturam, neque omnino euidens extiterit, sed tentatâ humanum quid in aquis esse passam.

43 Quid remedij ad hanc bilancis censuram? an ad aquatilis probæ repetitionem confugere liceat, sicque in omnem partem cuiuscunque affectui ac addubitationi sit satisfaciendum? Non facile repetitionem vnus, vel alterius modi cæteri coniudices patientur fieri, nisi pondere ac momentis rationum maior pars eodem inclinet quoque: Nam hoc ad inutilem vel superfluam scrutationem tēraminis, quàm veritatis indagationem pertinebit potius.

CAPVT II.

IAM priusquam in arenam cum illis qui supra enumeratas dubitandi duodecim rationes in cōtrariam partem attulerunt, descendo; ea quæ pro huius nostræ Regulæ & facti comperta præexistentia, hoc est in aquatilis probæ defensionem facere videbantur, deprimam. 44

Qua in classe cum PRIMIS se offert id quòd dici in iure communiter solet, probationes omnes iudicibus esse arbitrarias, ac quidem sic, vt ille motum animi sui pro temporum, facti ac personarum circumstantijs, variè possit informare. Nam cum probatoria causæ, quatenus facti sunt, ad certas iuris regulas constringi nō possint, ita vt quicquid ea in re statuendum sit, id iudicis, vt viri boni committatur arbitrio & discretioni. 45

Vnde eleganter Hadrianus Imperator (distante Calistrato in l. 3. §. eiusdem, ff. de testib.) *quæ argumenta, inquit, ad quem modum probandæ cuique rei sufficiant, nullo certo modo satis definiri potest, sed ex sententia animi tui te existimare oportebit, quid aut credas, aut parum probatum tibi operis.* 46

Sanè quidem, (vt probè Aristoteles & Plato docuerunt) licet paucissima iudicis potestati & arbitrio sint tribuenda, quoniam qui legem imperare iubet, is Deū & legem iubet imperare: qui verò hominem; beluam adiungit, cum vtriusq; cupiditas & ira Magistratus optimos alioquin perueriat: lex autem sit mens affectu & appetentia carens. 47

Tamen cum natura nouas quotidie deproperet edere formas, ac rerum in iudicijs obuenientium inusitatas sæpè species: rectè factū esse iidem in philosophia principes magistri cēsuerunt, dūm prudēti iudicis examini & discretioni multa cōmiserunt & concediderūt ij qui legum condendarum fuerunt artifices; vnde iudicem, hoc est, virum bonum, sanctum, castum, pium, integrū, honestique cultorem ac sacerdotem, legis auxilium & 48

B

supple-

supplementum, multi ex lureconsultis vocitarunt, augmento l. continuus, §. cum ita, ff. de verb. obligat. l. vir bonus, ff. iud. solu.

49 Nam iudicio iudicis, cuncta vel nihil horum committere, sed magna paruaque omnia lege determinare impossibile esse iisdem placuit. De quibus singulis videndus est Iacob. Menoch. de Arbitrar. iudic. statim ab initio, Thom. Grammat. decis. 34. numer. 45. & seqq. & ibi quos allegat idem Menoch. lib. eod.

50 Vnde dicere in confesso iudicandi soleo interdum id quod Iason ex Baldo dixit in l. iudices, C. de iudic. Iudicantes duos debere habere sales, vnū scientiæ, ne sint insipidi, alterū conscientię, ne fiant diabolici. Et tantum de primo argumento.

51 SECVNDVM in ordine defensionis locum obtinet id quod apud nostros communiter dicitur, ad contumaciam & augmentum delictorum, debet crescere & pœnæ & tormentorum modus, l. relegati, ff. de pœn. quia impunitas delicti incentiuum tribuit delinquendi, vnde in proposito, quandoquidem per canones non deciditur expressè, neque prohibetur quod in inquisitionibus punitionibusque Maleficarum probam seu experimentum aquæ frigidæ assumere iudicibus non liceat, (nam iura Canonica suprâ scripta non loquuntur in hoc tam flagitioso crimine) ideò quæ expressè prohibita non sunt, cur stare prohibeantur? arg. l. necnō. 28. §. quod eis, ff. ex quib. cau. maior. in integ. rest. in verbis, sed si leges non prohibeant.

52 Vnde in secundo hoc argumento relinqui videtur: quod iudex Ecclesiasticus & quicumque alius, quemadmodum exigente causa pœnam nouo tormenti genere potest exasperare. Ita in hoc tam occultissimo delicto potest genera inquirendæ & exuscitandæ veritatis quæcunque, arbitrio planè suo, adinuenire & exercere, glos. est in argum. notabilis in Clemen. ne Romani, in verb. tolli, & ibi Cardin. in prin. in 3. quæst. de elect. Abb. in c. licet, circa fin. in vers. aut subest statutum, ext. de pœn. Felinus in c. quod super his, versicul. fallit septimò,

extr. de maiorit. & obedient.

Idque ex iusta & momentosa causa, quæ est utique, ne tam detestandum & abominabile delictum perpetrasset impunitum, sed ut alij capiant exemplum, & cessent formidine pœnæ, ut dicit text. in l. si operis, C. de pœn. l. quicumque. §. quod si fecerunt, C. de hæret. l. aut facta, §. fin. l. si quis aliquid. 38. §. qui abortionis, ff. de pœn. l. 1. C. ad leg. Iuliam repet.

53

TERTIO arguo sic, Iudices quicumque & possunt & debent illam irrogare pœnam malefico, quæ magis timetur, & ratione cuius timoris verisimiliter tam ipse quam alij (exemplo territi) à delinquendo forent cessaturi, text. in c. quoniam frequenter, in fin. & ibi gloss. in verbo, magis timeri, extr. ut lit. non contest. & gl. in c. de causis, in verb. certo, extr. de off. deleg. Felin. in c. irrefragabili, §. certum, vbi & Abbas, extr. de off. ordin.

54

Et quoniam hæ stygiæ striges circa duo illa elementa ignis & aquæ veneficia sua & imposturas maxime exercuerunt, unde ad iustitiæ lancem traditæ, eadē bina elementa etiam cum primis verentur, & ut in eo expietur quisque in quo deliquit, rectè diuinitus prouisum & mentibus iudicum cœlitus inditum esse existimo (quo sic & pœnæ commensurentur delicta) ut per ignem & aquam remediatio ac iustificatio huius hærescos Maleficialis etiam exequatur, argum. l. sancimus, C. de pœn. l. si fugitiui, C. de seru. fug.

55

QUARTO defendo sic; tam puniendi quam torquendi à veritatis indagandæ modum, in casu dubio, debent iudices omnes sequi illum, qui magis fauet publicæ utilitati. Bart. & Doct. in c. 1. in princ. ff. solut. matr. l. 1. §. fin. C. de caduc. tollend. text. in l. hoc modo. 63. ff. de condit. & demonstr. Atque hic stantibus aduersis inter se frontibus hostis, illi utique parti victoria per æquos censores tribuetur, quæ tendit ad conseruationem publicæ tranquillitatis, ad salutem ac reconciliationem humani generis, atq; prouentum omniū terræ nascentiū, & sic ad puniendum tam fœdū & diabolicum delictum, d. l. sancimus, d. l. si operis. potius quā ad eiusdē impunitatem.

56

57 QUINTA mouens ratio hæc est, quod certum sit & nobis compertum, omnes maleficas probam aquæ maximè vereri & detestari, ynde dùm aquis tentatæ, & ipsæ super aquas fuisse detentas, & vel inuitas sese subsidere non potuisse, sunt expertæ, sicque reatum suum publico testimonio testatum fecerunt, speranter præsumunt Iudices illas post in tortura extremam contumaciam seu taciturnitatem ferre vel perseveranter negare veritatem non velle, vt quæ in semet reatum suum alijs ante manifestauerint, sicq; preparationem & causam ad confessionem effecerunt.

58 SEXTÒ probabiliter conabimur hanc aquæ probam astruere sic; Indicia & denunciationes complicum, vel sociorum ferè sunt incertiora, & imbecilliora argumenta hoc experimento, tum propter euentitas plerumque insontium hominum facies, formas, vestes, mores, ac totam imitationem, quas versutus ille hostis ad fallendum ac sic implicandum quoslibet, etiam ipsos iudices interdum adsumit (nam & tota illa actio edendi, bibendi, conuersandi, delusoria ipsis maleficis incerto, ymbratilis, ac de solo inuidioso illius hostis dependens arbitrio.) Tum etiam quia honoratiores vel maiores illi Malefici ferè vultu & forma teguntur in cursibus, in saltationibus, prout hæc ex multorum relatione se didicisse, iudicibusque Maleficiarjs indies magis magisque constare asserit Binsfeldius in secunda parte confessionum Maleficarum, in secundo dubio. Ergo per hanc probam aquæ (quæ medium est intellectuale veritatis eliciendæ ex aliqua singulari circumstantia diuinitus insurgens) exteriora illa indicia, aliàs fallibilia ac incerta, certitudinem, iustificationem, robur ac verisimilitudinem seu adminiculum aliquod adsumere possunt.

61 SEPTIMÒ idem Binsfeldius in secundo membro de confessionibus Maleficorum, an fides & quanta confessionibus Maleficorum contra socios & participes criminis huius sit habenda, ad probationem conclusionis sextæ (quod regulariter confessio duorum vel triū contra aliquem vti criminis participem indicium sufficiens

con-

contra eundem faciat ad torturam) multa adfert argumenta, inter quæ quintum, sextum, septimum, & octauum in confortationem huius nostri propositi (licet indirectò) liber adplicare, ac breuitatis causa eò me remittere, vbi in septimo argumento hac parænesi Iudices, Principes, ac Magistratus quoslibet alloquitur. Quis igitur tam insipiens est, inquit, qui legibus concludere velit, quod omnes leges immanitate & atrocitate superat propria? Est ne vllus canon aut lex, aut statutum, quod dæmonem in sua societate includat? hic Iudices atque potestatem habentes, per Deum, communemq; salutem obsecro, vt leges, iura, rationes, & auctoritatem doctissimorum virorum intueantur, oculos aperiant & cernant, quomodo Deus immanissimis criminibus irriteretur, quomodo propter periculum communis salutis, in enormibus, ne quidem à processu & inquisitione & executione in diebus Deo singulari ratione consecratis cessandum sit, quomodo Deus executione iustitiæ reconcilietur. Facilmè ait lex prouinciarum, C. de ser. in hoc summi numinis speratur venia, per quod multorum salus & incolumitas procuratur. Quomodo ad honorem Dei, iuxta d. l. deinceps. crimina punienda sint, quomodo sinant crimina impunita coalescere, contra l. per omnes, C. de defens. ciuit. quomodo in tam enormibus & periculosis, contra communem salutem, relictis legibus diuinis, naturalibus & posituiis, dum periculum est in mora, iustitiæ executionem differant, cū multorum scandalo, dantes iustam occasionem multis temerarijs iudicijs, & sic communicantes grauissimis peccatis alienis? quomodo deglutiant camelos, exulantes culices, dum minora & manifesta Lynceis oculis perlustrent, & talpis sunt cæciores in occultis & atrocissimis? quomodo festucam videant, & trabem non animaduertunt, dum furta simplicia, homicidia sine proposito perpetrata, aliaque minora cane peius, & angue persequuntur: crimen verò læsæ mai. stat. diuinæ, apostasiam, tractatus secretos, contra patriæ salutem, & alia immanissima facinora, tanquā fantasias & somnia

negligunt. Habeant iudices in hoc negotio doctrinam magni Basilij ante oculos: qui veram germanamque iustitiam non habet in animo repositam, ac velut ex præuia quadam meditatione reconditam, sed aut pecunijs corrumpitur, aut amicis obsequitur, aut etiam inimicos vlciscitur, aut alienam reformidat potentiam rectè ius dicere, iudicia exercere non potest. Hactenus ille.

62 Vbi si sequens octauum argumentum (de maioris gentium maleficis) probè examinaueris & ad limā huius nostræ probæ comparādo adplicaueris, videbis maiorem veritatis certitudinem in hoc quàm cæteris illis denunciationibus (quas is ibi defendit) militare.

63 OCTAVO D. Binsfeldius in duodecimo præludio, conclusionē octauā quarti dubij (vbi agitur de apparitionibus & mirabilibus operationibus circa mortuorum corpora aliquando contingentibus) dicit emanationem sanguinis occisi ad præsentiam occisoris videri soli diuino miraculo in horrorem ac vindictam tanti criminis esse tribuendam.

64 Quid ergò irrationabile, & à consequutione eadem alienum fuerit dicere, quod in detestationem maleficialis criminis diuina potentia ad probationem aquæ, manifestationem ac refectionē certiorē eiusdem assignatam ac reuelatam esse mortalibus voluerit.

Amplius, vt hanc nostram veritatis luci propius accedere putaremus sententiam, hoc vno & quidē NO-
NO vt plurimum mouebamur argumento inconuincibili quidem illo si diligenter aduertatur.

65 Inter omnes ferè tam Theologos quàm Canonistas & Iuriconsultos in hanc itum est sententiam, quotidiano itidem experimento comprobata sagarum ac maleficarum, vel ipsius etiam dæmonis potestatem, seu vim nocendi circa illas personas esse nullam, quæ in officina iustitiæ aduersus illas vel confident, vel omnino præsident, adeò etiam, quod eorum actus ac iuris dicendi exercitium quoad maleficas omnino nō impeditum ac incontaminatum sit.

66 Neq; dubium est (quem ab initio mundi altissimus
reli-

reliquis omnibus terræ creaturis & callidiorem, & potentiorē effecerat, Genes. 3. quique indefinēti inquietudine omnes terræ plagas in noxam omnium velocissima celeritate perambulat. Iob cap. 1. & 2.) retia sua in id tendere omnia, quò suis amasijs ac deuotis Magistratus iam interdicto subiectis, quantum quidem possit subueniat, illosque liberet, aut, ne illius censuram incurrant libenter præcaueret & impediret, quemadmodum ante centum annos, in eadem hac nostra germania, posterioribus tam Ecclesiastici, quam secularis gladij Magistratibus, alioqui non malis existentibus firmiter persuaferat; nihil eius mali esse, phantasias & mera diaboli ludibria, illiusque solum esse factum non hominum, nomen sine re, sineque hominis noxa vlla interueniente, sicque illo tempore aliquod antenus ad eò impuniti fuerant malefici, vt post, hæc si illâ præcognitâ, igne ultore extirpari vix potuerint.

Constat itidem inter omnes sagas & Maleficas siue iam victus siue non, quantum quidem ad actum voluntatis suæ attinet, omnem Magistratum extinctum, ac mille mortibus affectum percipere, dæmonisq; executiua imperij & potentia suæ voluntas ad id omnibus viribus succurrit, ac subuenire adnititur, sed realitas vna exequendi limitata est, & restricta ad omnipotentiam voluntatis & consensus diuini: cuius vis & imperiū est infinitum ac in omnia quæcunq; vbiuis locorum sunt, vniuersaliter absolutum, & à nullo alio dependens malo; dæmonis verò & sagarum potestas finita, multum restricta, ac à sui creatoris consensu dependens.

Quare Ioannes Bodinus in libro suo de dæmonomania Magorum lib. 3. cap. 4. vbi hanc quæstionem ex professo tractat, arcanum Dei mirabile, & à iudicibus optimè recolendum, inquit, ipsos non aduersus humanas potestates solum, sed etiam contra spirituum malignorum vires à Deo protegi. Dicitq; idem ibidem, Iohannam Heruilleriam famosissimam Magam (quæ anno 1578. ignis sententiam accepit) sine quæstione falsam esse, quòd quo tempore venerit in manus iudicum,

nihil in ipsam diabolum potuisse, neque ad liberandum ipsam è vinculis, neque ad vitam ipsius conseruandam.

- 69 Si itaque talis, tam præpotens, prompta ac vniuersalis Dei voluntas circa tuitionem Magistratus (etiam forrè discoli.) ad huius reatus iustitiam assidentis versatur; quare non idem planè volet & operabitur Deus circa executionem huius aquatilis probæ? quæ quasi index est & minister ad huius Maleficialis hærescos veritatem relegendam ac agnoscendam. &c.

- 70 DECIMO, D. Petrus Binsfeldius Doctor, Theologus ac in Diocesi Treuirensi Suffraganeus ad l. 3. C. de malefic. & mathemat. commentando, ac tria sortium genera exponendo, scilicet diuisorium, consultorium, ac diuinatorium, hoc improbando reliqua duo ferè est quod admittat, dicitque ad sortium genera pertinere, si quis aliquid occultum inquirat, siue per protractionem punctorum, siue per considerationem figurarum, quæ proueniunt ex plumbo liquefacto in aquam proiecto, siue ex quibusdam schedulis scriptis vel non scriptis in occulto repositis, dum consideratur, quam quis accipiat, vel etiam in festucis inæqualibus propositis quis maiorem vel minorem accipiat vel taxillorum projectione, quis plura puncta proijciat, vel etiam dum consideratur quid aperiendi librum occurrat.

- 71 Quando itaque memoratus Theologus duo hæc sortium genera diuisorium scilicet & consultorium, catenus admittit, quatenus quatuor quæ ibidem recenser, concurrant, à ratione alienum omninò non esse existimarim, si & hanc aquæ probam, quæ consultoriæ, sorti per omnia consimilis esse videtur, eo quo supra est dictum modo, hoc est, præcedentibus vehementibus indicijis, admittamus, nam sortes admittuntur in sinum, sed à domino temperantur, vt dicitur Prouerb. cap. 16. Quando enim humanum non superest auxilium, tùm ad diuinum recurrendum adiutorium. PRIMVM ergò requisitum (vt ait Binsfeldius.) est, vt absque necessitate non recurratur ad hæc sortes, aliàs esset tentare Deum.

AQVAE FRIGIDAE.

29

SECUNDVM, vt quis etiam in necessitate absque reuerentia sortibus non vtatur, vt patet ex c. non exemplo. 26. quæst. 2. in verbis, si qui tamen in necessitate compulsi, Deum putant sortibus exemplo Apostolorum esse consulendum, videant hoc ipsos Apostolos non nisi collecto fratrum cœtu & precibus ad Deum fusis egisse. **TERTIVM**, vt non pro rebus terrenis, sed pro spiritualibus, & ad salutem pertinentibus, fiat recursus ad sortes, vt habetur ex diuo Augustino ad inquisitiones Ianuarij, epistola 119. tomo 2. & 26. quæst. 2. in c. hi qui de paginis Euangelicis sortes legunt, etsi optandum sit, vt id potius faciant, quàm ad dæmonia cōsulenda concurrant; tamen etiam ista mihi displicet consuetudo, ad negotia secularia, & ad vitæ huius vanitatem propter aliam vitam loquentia, oracula diuina velle cōuertere. **QUARTVM**, vt non fiat in Electionibus Ecclesiasticis quæ spiritus sancti inspiratione fieri debent. Vnde dicit Beda cap. 1. in Actibus Apostolorum: Matthias ante Pentecosten ordinatus, sorte quæritur, quia nondum erat plenitudo spiritus sancti in Ecclesiam diffusa. Septem autem Diaconi postea non sorte sed electione discipulorum sunt ordinati: hæc ferè ex Binsfeldio.

72

At verò hic reuera sumus in illis terminis, quibus neque terrenum indicium ad condemnandum, vel absolvendum sufficiens solum esse potest, hoc est vbi neque confessione propria, neque facti euidencia, neque testium legitima probatione processus iste est vallatus, neque indicatijs quantumvis specialibus & de fama assumptis (vt si dixerit testis se illam vidisse in choreas salantem, vel alia cum Maleficis facientem, nam cum diabolus transformare se potest in Angelum lucis, multò magis idem poterit & valet in speciem hominis probi, ac talis reatus innocentis.) religio iudicantis fidem tam planam ac solidam dare potest vel debet.

73

Ergò hæc aquæ proba cum debita reuerentia assumpta, haud minimum est præbitura adumentum lubricis illis in hac re prolatis indicatijs & diffamationibus.

74

Ad extremum ; sed VNDECIMO, doctores Mallei Maleficarum, in secundo principali secundæ partis, ubi de modis tollendi & iurandi maleficia in prima difficultate agunt, ponunt duas contrarias opiniones de tollendis & remediandis maleficijs; & dicunt : Scutum de impedimento maleficali, siue de frigidis & maleficiatis reputare fatuitatem esse, asserere, quod per vana & superstitiosa non debeant maleficia tolli; dicit enim : nec in hoc est infidelitas aliqua, quia deseruiens vel curans nō adhibet assensum operibus diaboli, sed credit eum posse & velle defatigari, dū durat tale signum, quia ex pacto non assistit ad hoc, nisi dū illud durat. Et sic destructo illius signo non ponet fidem tali vexationi, unde & dicit, quod est meritorium opera diaboli delere. Et quia loquitur de signis, ponitur ibidem exemplum tale: Sunt quædam mulieres, quæ tali signo notant maleficas, ut si vacca vbertate lactis ex maleficio priuatur, tūc vrcum lactis super ignem appendunt, & certis verbis superstitiosis insistendo, vrcum cum baculo percutiunt, & licet vasculum vel vrcum mulier cum baculo percutiat, tamen omnia illa verbera diabolus ad dorsum maleficæ defert, per quæ diabolus sic cum malefica defatigatur. Facit tamen illa diabolus ut percutientem Catholicam ad peiora alliciat, unde periculosum hoc remedium (nisi esset opinio tanti doctoris) difficultatem non esset habituram vllam.

Subdit idem Malleus ex Hostiensis in eius summa de frigidis & maleficiatis, quod quantum ad potentiam cocundi maleficio ademptam recuperandam attinet, recurrendum sit ad consilia Medicorum. Et licet quædam remedia contra hæc scripta vana seu superstitiosa videantur, tamen cuilibet auctori in sua arte esse credendum.

Nam & satis tollere potest Ecclesia retundere vana vanis: hinc Hubertinus in eadem materia inquit, possunt maleficia, aut per orationes, aut per artem, per quæ facta sunt destrui, eiusdem sententia dicitur esse Godefredus ibidem.

Consequenter idē Malleus ibidem. TRIPLICEM
distin-

distinctionem remediandi vel curandi maleficia ponēs, ita inquit: AVT tollitur maleficiū per aliud maleficiū simul & per aliud maleficiū, idque est illicitum & poenale, tam ex parte auctoris, quā etiam remediū: AVT verò dissolvitur maleficiū non per maleficiū, sed aliam personam; sicutamē, quod superstitiosis remediis maleficiū quod vni personæ aufertur, alteri infertur: AVT tandem quod tertium est remediū, à non malefico, sed quibusdam ceremoniosis superstitiōibus practicatur; non tamen in nocumentum alicuius personæ. Et quia tribus istis modis vel expressa, vel tacita interuenit dæmonum inuocatio & suffragium, idē secundum maius vel minus, poenam mortis merentur omnes. Et hoc est quod dicunt Theologi, quod potius mors foret præeligenda maleficiato, quā in talia consentire.

Alijs verò modis, quando tantum vanum quid, vel solum modò superstitiosum (& non sub aliquo pacto vel symbolo expresso vel tacito ex intentione vel proposito practicantis cum illo malo hospite operatū) intercedit. Canonistæ ferè omnes cum certis Theologis, tenent tales modos esse tolerandos, non tamē meritorios. Maximè si remedia sacra prius attētata (vt sunt exorcismi ecclesiæ, suffragia sanctorum implorata, aut vera poenitentia) nihil effecissent. Cū enim iuxta Apostolum, omnia quę in verbo aut in opere facimus, in nomine domini nostri Iesu Christi facere præcipimur: licet his plerisq; modis non insit dæmonis inuocatio, sit tamen interdum in eiusmodi eius nominis expressio. Et iterum licet plerunq; non fiat intentio per pactum ali- quod expressum vel tacitū talia facere, vt quia fortè dicit, volo hoc facere siue diabolus intromittat se siue nō; ipsa tamē reuerentia quæ diuinum timorem postponit, Deum offendit, vnde & diabolo potestatem talia faciēdi permittit introducendo vel intromittendo se, hi sanè omnes ad poenitentiam sunt cohortandi, vt potius desistant: hæc ferè ex Malleo frustillatim sumpta sunt.

Quæ singula distinctionum fœdera eo consilio hūc
ad.

adferre libuit, vt demonstrem, quàm non sit reprobanda vel peccato mortali inuoluenda hæc aquæ probatio, prudenti & necessario suffragio veritatis per ordinariũ loci Magistratum in Dei virtute adhibita vel respectiue tolerata.

Subministrant & hisce argumentis verba Imperatoris in l. eorum, quæst. 4. C. de malef. & mathem. & ceteris similibus, in §. 1.

- 31 Nullis verò criminationibus, inquit, implicanda sunt remedia humanis quæsitæ corporibus, aut in aggressibus locis innocenter adhibita suffragia, ne maturis vindemijs metuerentur imbres, aut ventis grandinisque lapidatione quaterentur, quibus non cuiusquam salus læderetur, sed quorum proficerent actus, ne diuina munera & labores hominum sperneretur, vide tamen Binsfeldium in commentario ad hanc legem, quæst. 5. & aliquot conclusionibus subiectis.

- 32 DVODECIMÒ infero sic, DVPLEX est ARBITRIUM, quo fungi dicuntur iudices & Magistratus in diiudicanda quacunque controuersia, PRIMVM arbitrium est liberum & plenum, quod dici potest esse concessionem à lege vel homine factam, qua potest is iudex semoto iure, ratione ac æquitate, sed proprio ductus appetitu à dolo tamen alieno, quod placuerit statuere.

- 33 ALTERVM est regulatum vel astrictum, quod item dicitur concessio à lege vel homine facta, qua potest is iudex ratione ac æquitate animi sui proferre sententiam, quique nec in alium statuatur, quid sibi statui negari possit, in hunc modum vtrumque arbitrium definiunt Iacobus Menoch. de Arbitr. iud. quæst. lib. 1. quæstio. 6 per text. & gloss. in l. fideicommissa. ff. de leg. 3.

- 34 Cum itaque tantus iustitiæ zelator, ac rectorum iudiciorum laudator sit Deus, vt eorum sanctas & sacras manus (quamuis sanguinarias) esse dixerit, qui ferro ac armata manu contemptores sui vindicauerunt ac prostrauerunt, prout dicitur Exod. cap. 32. occidat vnusquisque

que fratrem suum, & amicum & proximum suum, pro peccato vituli constatilis.

Vix videbitur vllum, vel neglectæ legis, canonis 35
vel temeratae religionis piaculum pertimescendum esse illi iudici, qui proprio ductus appetitu, à dolo tamen alieno ac pleno illo vititur cognoscendæ per hanc probâ veritatis arbitrio.

His moti causis, censebamus iudicem (quem tam 36
vehementer fortia ac verisimilia etiam ad speciem allata indicia mouissent) non malè facere, multò minùs mortaliter peccare, si pro certiori iam aliquodantenus compertæ veritatis luce, probam hanc aquæ frigida adhibeat, multò minùs confessionem postmodum resulantem nullam esse vel irritam.

Nam ipsâ didicimus rerum experientiâ iudicantes, 37
hoc genus dæmoniorum vix vlla canonica purgatione extingui, seu ad meliorem frugem conuerti, quinimò eam quæ iudicum manus suo stratagemate semel euasit malefica, ac ne teneretur aquis, obrinuit, in peius ferè abire, ac Mancipium illud multò nequius nocentiusq; fieri, dum dæmon illam, quæ per mendacium periculum iustitiæ euasit, ac morem illi gessit, iam in sua arte plus ad nocendum instruat, plus illi concedat, ac superiorem honoris locum attribuat, collaudatione ac acclamationibus in conuentibus publicè factis.

Deinde certa iuris regula constitit apud omnes, 38
quod quicquid agunt homines, intentio iudicat omne, notatur in l. i. C. de sicarijs, l. 3. ff. de tabul. exhib. & alibi passim, & non debent actus agentium operari quicquâ ultra eorum intètionem, adeò quidem ad voluntatem, intentionem ac votum paciscentium verba scripta actusque contrahentium restringuntur, reformantur, ac quasi recidunt, vt etiam vel abrogare vel improprie verba propter minùs convenientem intentionem agentium plerunque conueniat vñtatumque sit, de quo Stephan. de Phederis in elegantissimo suo libello de interpret. legum, part. i. per totum.

DEFENSIO PROBÆ

Et de iure poli peccata omnia adeò libera, adeò voluntaria ex sua natura esse debent, vt nisi libera, & de mera peccantis voluntatis intentione sint profecta, sed aliquam in se, vel sua causa rationem habeant ad noxam, peccata non sint, c. homines, c. beatus Paulus. 22. quæst. 2. versic. grauius. & c. falli enim in his quæ ad fidem non pertinent, aut paruum, aut nullum est peccatum, c. in quibus, ext. cod.

Quemadmodum de hoc crimine iudicem dæmonis mille nocendi artes, ac mille pericula rerum etiam imprudentem ac sæpè incautum facile transuersum agere possunt, eidem falsa pro veris plerunque suppone, dum vel imperitia, vel facilitas credendi, vel si implicitas aliquando etiam peruersitas eiusdem, quales extra vrbes, ruri ac in inferioribus subsellijs iudices ferè inuenias, mundum destruere, ac conscientias bonorum in magno sæpè discrimine ponere possent, nisi sub hac fide publica aliquem veritatis succursum vel auxilium eis habere liceat, vt hoc tentamine tuti, ac de se magis certi facti, dæmonis molimina procùl esse addiscant, ac sic porro in suo officio circa probatoria causæ deinceps tuto pergant. Et hæc sunt quæ ad corroboracionem regulæ suprà traditæ ascribere libuit.

CAPVT III.

ACIE iam sic nostrâ ordinatâ pugnam (neutiquam sanè victoriæ assertricem, saltem argumentorum liberam communictricem) capeffemus, ac per aduersa hostium castra trāseamus: Itaque, quod primò dicitur, probam hanc pactum continere illicitum & tacitū cum dæmone initum, id existimarim ego ab intentione omnium magistratuum, qui pro eruenda veritatis hac latebra in iustitiæ defensionem hoc experimento vtuntur, quàm esse remotissimam, nemoq; sana ratione id vnquam affirmauerit. Quinimò è diuerso existimarim hoc tentamine implicitum haberi, & fieri pactum cum Deo omnipotenti, vt is testis adesse velit, per hanc elementaris suæ creaturæ vim & indicaturā: testimoniūq; ferat

ferat per suā potentiam & scientiam omnium sub sole
cordium miraculosum, de reatu vel non huius delati ac
tot indicij expofiti hominis : vt qui potens est mare fe-
care, ac electis fuis transitum quali murum diuidendo
dare, idemq; rursus coniungere, ficq; omnipotenter se
& miraculose de omnibus fuis inimicis vlcisci. Itē qui
supertransijt aquas & imperauit eisdem, vt tempeftates
ficerent, pariterq; Helix Deus Iordanem diuifit ac effe-
cit, vt ficcis pedibus tam Helias quā Helifeus ambo
transirent, ficut habetur 4. Reg. ca. 1. & 2. Item qui ferrū
fecit quod ē manib⁹ in aquā ceciderat, implorante ho-
mine Dei Helifeo filijs Prophetarū hoc idē reftituit & a-
quis supernatare fecit. de quo lib. 4. Reg. c. 6. ab initio.

Eundem etiā cenfentur inuocare iudices & Magiftra- 92
tus locorū, quicunq; in refectionē huius symboli. Quā
rem fi rectē ac debito modo exercere volent iudices, fa-
cient id non minore veneratione ac factæ religionis ze-
lo, atq; aliam quamcunq; rem sanctā ac mysticā vete-
res illi Christiani in primitiua Ecclesia exercere ac perfi-
ficere solebant, quemadmodum suprà in 10. rōne pro-
bandi de fortibus & earum generibus diximus. Quo etiā 93
am intuitu, ac in primis officio suo (quod ad veritatis
functionē vnice, ac in solidum dirigitur perfcutandā)
attento à periculo vel reatu taciti pacti (de quo in 10. ra-
tione dubitandi egimus, atq; idem ibidem refoluimus)
omne Magistratū immunē ac alienum esse cenfebam⁹.
Satiū tamē ac tutiū foret, equidē non diffiteor si fa-
cerdotes ac alij ecclesiastici viri nō leues & graues ac cō-
pertæ intelligentiæ in huiusce rei communione aduo-
centur, vel per suum superiorem edicto compellantur.

Et siquidem aduersus hoc argumentum instantiā fe- 94
ceris hoc modo: ergo præstituitur & præfiguratur hāc
aquæ probā certus modus & ordo, quo volumus hoc à
Deo in cōtestationem facinoris huius præstari. Id quod
æquē superstitiosum & vetitū esse videtur, cum præfu-
mendū & piē credendū potiū homini fit Deum ad suū
nutū ac omnipotentis suæ voluntatis arbitriū hanc ma-
nifestationē, nūc velle, nūc nō, quā ad singulas hoīm
instan-

instantias seu tentationes hanc probam in fontes reuelare, in infantes verò aliter declarare velle argumento simili in Euangelista cap. 1. & Iudith cap. 7. & 8. vbi Christus matri suæ vini deficientis subuentionem & auxilium petenti, negatiuè respondit, atque illam (quamuis pio ac deuoto valdè affectu, non modò credentem, sed & de ipsius omnimoda potestate plenè confisam ac certam) inaniter tamèn dimisit.

95 Huic inquam, parata est responsio hæc, quòd quemadmodum Deus & Natura nihil abundant in superfluo, ita etiam non deficiunt in necessarijs, quare & necessariò fidelibus contra huiusmodi insultus dæmonum diuersa sunt data remedia, non modò præseruatiua, sed etiam curatiua, cum aliàs non sufficienter fidei Magistratui à Deo esset prouisum, quod dicere absurdissimum foret, & opera diaboli fortiora essent operibus DEI.

96 Vnde licet non sit potestas super terram quæ ei non valeat comparari, qui factus est vt neminem timeret, omnè sublime videt, ipse est rex super omnes filios superbix, dicente Iob cap. 41. Tamèn & meritis sanctorum, & iudicio ordinarij Magistratus in hac vita nostra eiusdem potestas sibi cõta esse dicitur. Sanctus enim Augustinus in libello suo de moribus Ecclesiæ sic inquit: Non est Angelus cum inhæremus Deo mente nostra potentior. Nam si potestas virtus est in hoc mundo, toto mundo sublimior est mens Deo inhærens, vnde extrahitur dissolui possunt opera diaboli. Et hoc quantum ad intentionem Magistratus sufficiat respondisse.

97 Si verò de malefica ipsa sentias hoc pactum cum dæmone faciente, id minùs habet vel veri similitudinis, vel præsumptæ veritatis.

Nam quemadmodum certum est, & supra demonstrarum, omnes Magas non subsidere, sed per quadrantis, vel media horæ spatium etiam inuitas aquis supernatare, caputque ac membra deorsum mouendo, ac quamuis studiosè fundum petendo nihil proficere tamèn. Ita verò vtrique quàm est simillimum, quod si circa
aquam

aquam tunc quando per iudices fit tentatio vllam haberet potestatem dæmon, vel demergendo, vel subleuando eandem: illam sanè vel ex pacto (& quidem potius in demersionem earundem, quo innocentes videri, ac sic liberari mancipia sua è vinculis Magistratus non solum posset, sed & eadem mancipia per hoc sibi magis fida, deuota ac hominibus nocentiora redderet) vel proprio motu dæmon haberet ac exerceret; & tunc de dæmonibus eorumque intentione idem planè est præsumendum, qui sibi perspectum habent & bellè norunt, quod vbi crimina manifesta impunita maneant, amplius Deus offenditur, fides Catholica dehonestatur, & ipsarum Magarum numerus amplius augmentatur; sic rationatur Malleus, sed ad aliud propositum pluribus in locis.

Nodus dissolvens.

Planè ex hisce talem conclusionem vt formaremus: ferè resoluebamus nos, Maleficam qualemcunque quatenus talis sit, cum amasio suo pacisci effectualiter non posse, vt comprehensa & aquis iussu Magistratus tentanda, ipse illam demergi, seu subsidere curet, sicque aquam in se vim sinat vel exercere naturaliter suam.

98

Quæ conclusio hanc secum trahit quæstionem; an dæmon circa probationem aquæ frigida impellendo vel agendo in corpus hominis maleficiati, vel in elementum aquæ, vel etiam fascinando seu circumueniendo, iudicium vel aliorum astantium oculos, submersionem vel vrgere vel impedire possit? Hoc est, vt clariùs & contractiùs dicam. An ista aquatilis proba indicium sit vel præstigiosum, vel euidenter supernaturale per virtutem seu potentiam diaboli; an per Dei voluntatem & seu potestatem vel prædestinationis eiusdem: hoc est, quis proprietatem illam, vel aquæ naturaliter inditam, vel homini inseparabiliter adiacentem adimat, suspendat, vel separet in ista probatione.

99

Sanè, quod hæc proba magis supernaturalis sit & potestatiua, operante & volente eo qui omnia potest & vult & scit, hoc est: Deo ter Opt. Max. quàm cuiusque diaboli potestate vel artificio hinc demonstrari probabiliter

100

biliter posse videtur, quia diabolus quando habet obiectum hominis, quicquid ad eius commodum vel petitionem operatur, id illo eodem obiecto, volente, consentiente, cooperante, vel impellente efficere dicitur.

101

Atque compertum est, nullam vnquam sagam volenter hanc aquæ probam adiisse, comprobasse, laudasse, vel ad eam prouocasse: Et licet aliqua insolenter ad primam capturam fortè dixerit, vel petierit vt committeretur aquæ, inde innocentiam suam probatam iri, id ex temeritate, facilitate, vel incitia huius virtutis quæ supranatationi adest, potius quàm seriò seu ex vlllo pacto fortuito accidisse.

102

Quemadmodum hæc adhuc æstate in præfectura Linnenli Diocæseos inferioris Colonienfis accidisse dicitur, quòd vetula quædam, videns duas mulierculas aqua tentatas nō subsedisse, sed supernataisse, ipsa ad Præfectum loci accurrens ac interpellans, eousque tam ipsam, quàm cæteros iustitiæ ministros præsentem per mouet, volens ac acerrimè instans, vt & ipsa aquis tentaretur, se licet apud populum suspecta admodum sit de hac maleficiali hæresi, iam tamen innocentiam suā per hoc coram populo testatam facere, indignaque hac suspitione publicè se eximere velle.

Annuit importunè efflagitanti Præfectus & ceteri, sed hanc in aquam proiectam euidentius supernataisse, neque vt demergeretur vel fundum peteret (quamuis id studiosè suo motu super aquas tentās) efficere vlla ratione potuisse dicitur.

103

Extracta, ecquid carnifex suorum membrorum ipsa esset interrogatur, potuisse licet in simulatā, hoc effugisse periculum, donè producto accusatore, necessitas adesset huic tentamini.

Tandem confluentibus indicijs contra eandem cōpluribus, ipsa ante torturam quærentibus, respondit, amasium suum sibi suasisse, vt hoc aquæ periculum subiret, se illam liberaturum, & in ipsis aquis famam vitamque eius adseruaturum esse.

Hac confessione sponte prolata, incineranda eadem fuisset, nisi se ipsam in carcerē pridē suspendio suffocasset. 104

Ecce hac balista mœnia hostium sunt subruta ac dilapsa, gressus ad hostem patet, cominūs nunc res est agenda: proinde ad alterum dubium (quo per hoc tentamen Deus ipse tentari, & quasi signum in aqua præter naturam faciendum exquiri ab eo dicebatur, &c. digrediamur. 105

Sanē si ad ipsas maleficas id referre velimus, illę quæ in se est, effectualiter non tentant, sed tentantur, conatus enim earum iām passionibus subditi experiri in se potius, quàm agere quicquam censentur, præsertim quantum ad illos actus qui ad Magistratus & iudicium directò pertinent officium: maleficę quippe tunc vident & sentiunt, quòd in firmatæ sint earum manus, & pedes clausi defecerunt, residu quę consumpti sunt. Et iā non sunt ampliùs Dię eorum, in quibus habebant fiduciam, de quorum victimis comedeant adipēs, & bibebant vinum libaminum. 106

Illi enim dij tunc exurgere, & opitulari illis vel in necessitate protegere illas non potuerunt. Ratio est in promptu, quia prouocauerunt in dijs alienis, & in abominationibus ad iracundiam, DEVM verum concitauerunt, &c. prout hæc omnia probe ac diuinitus enumerantur, Deuteronomij cap. 32. vbi textus, Videte, inquit, quod ego sim solus, & non sit alius Deus præter me: Ego occidam, & ego viuere faciam, &c. Demus ergò magnificentiam Deo nostro, Dei perfectæ sunt opera, & omnes viæ eius iudicia. Deut. egd. 107

Si verò de Magistratu ipso tentamen, hoc accipiendum censeas, concessero quidem hoc vti licitum atque extremum, maximeque vtile veritatis habendæ suffragium, in hocce occultissimo maleficialis hæreseos artificio, idque tantò certius ac tutius, quantò firmiorem & minimè dubiā fidem seu votum Magistratus ad omnipotentiam diuinam in eodem habuerit. 108

109

Cæterum verò, tentationes & signorum postulati-
ones à bonis vel malis factæ, quatenus in sacris scriptu-
ris licitæ, concessæ & laudatæ, etiam petitionibus locus
datus, non intendo (dum meæ non est professionis) per-
sequi: hoc solum ex diuo Augustino in Psalm. 32. addi-
dero: Iustus ex fide viuit, inquit, fides tua, iustitia tua,
quia utique si credis, caues: si autem caues, conaris: &
conatum tuum nouit Deus, & voluntatem tuam inspi-
cit. Quam etiam humanam, vel defectuosam, quid ad
primam apparitionem patientem ac signum requiren-
tem non statim rejicit, neque aspernatur, sed potenter
expectat Dominus.

110

Legimus enim Iudicum lib. 6. vbi constituisset do-
minus humiliatum ad se populum suum à Madianita-
rum deuastationibus & bellis eripere, in cuius rei vsum
Gedeonem frumenta exeutientem, ac fugam coram
Madiam meditantem, Deus sibi uti ducem præuidisset,
quem vbi Dominus ea de causa per Angelum suum in-
terpellasset, tandemque ipse dominus ita ad eum locu-
tus fuisset: Egredere tecum, & percuties Madiam quasi
virum vnum; Gedeon tamen nondum sentiens flam-
mantem spiritum, inquit, Si inueni gratiam coram te da
mihi signum, quòd tu sis qui loqueris ad me, quo signo
per assumptionem sacrificij miraculosè dato, vidensq;
Gedeon quòd esset Angelus domini, ait: Heu mihi do-
mine Deus, qui vidi Angelum domini facie ad faciem.
Qui in super spiritu domini iam indutus & confirmatus
adhuc aliud signum, tum in vellere tum & in superficie
terræ mediante rore à domino requisit, impetrauit-
que. Iudic. lib. 6. Ergò non continuo & semper irascitur
Deus signum à ferequentibus.

Quinimò illud oblatum & suatum aspernantibus
magis insensus videtur dominus, uti colligitur de A-
chaz rege Iuda (Esaia cap. 7.) qui elatus fastigio solij re-
galis astutus humanæ sapientiæ verbis ipsi domino, qui
adiecit loqui ad eum, dicenti: Petetibi signum à domi-
no Deo tuo in profundum inferni, siue in excelsum su-
prà, respondit: Non petam signum, & non tenrabo do-
minum

minum, &c. Veruntamen dissimulat ille potestatis excellæ, seu incomprehensibilis profunditatis sapientiæ quærere signum, & propterea signum bonitatis & charitatis domui Dauid ipse dominus promittit, vt quos nec potestas, nec maiestas terruit, alliciat saltèm exhibitio charitatis. Molestus est ergò non solum hominibus, sed etiam Deo, quisquis non maiestatem recogitat in timore, nec charitatem cum amore meditatur, propter hoc, inquit ibidem Esaias, dabit dominus ipse vobis signum in quo manifestè & maiestas & charitas innotescat: Ecce virgo concipiet, &c. sic diuus ratiocinatur Bernardus de aduentu domini, & sex circumstantijs eius.

Planè in illam fiduciam omnes pios ac veritatem candidè ex officio sic scrutantes Magistratus cohortari 112 acriter desidero, vt non cum sancto Petro Matth. 14. ca. dubitatiuè dicant; Si tu es domine, iube me venire ad te super aquas, ne agitati vento illo valido mergi cum eodem Petro incipiant, ac vocem omnipotentis Dei exaudiant, dicentis: Modicæ fidei quare dubitasti. &c. Sed magis plenam fiduciam Iudith in spiritu assumentes, memoriale hoc in eius nominis virtute vsurpent. Virtutem dæmoniacam allidamus, detegamus vel peruincamus, & nò scrutemur curiosius actum ipsum, sed agentis omnipotentiam intremebundâ constantiâ, Christianoque zelo piè perueneremur ac recolamus, quod si quidem nos præstiterimus, tunc iuxrà voluntatem promissionis potens & promptus est dominus facere misericordiam, & manifestationem voluntatis nostræ in omni abundantia.

Iàm porrò ad tertium argumentum progrediendo, 116 ac magnum illum Goliath (qui obieciebat suis nobis armis prohibitionem tam diuinarum quàm humanarum legum. &c.) funda Dauidica prosterneudo, respondemus nulla expressa sanctione vel humana vel diuina istud experimentum in hoc genere delicti prohibitum esse, cur itaque stare prohiberetur, id quod prohibitionem nullam habet, d. l. nec non, s. quod eis. ff. ex quibus causis maior.

114

Cæterum quantumuis erubescimus sine lege loqui, tamen nil nisi infirmitas est intellectus ibi quærere legem, vbi adest ratio & necessitatis refugium, vt alibi dixit Bald.

Quando itaque Canones, sententiæ, autoritates & argumenta supra in contrarium allata in hoc flagitiosissimo ac dæmone ipso execrabiliore delicto, minimè ad speciem loquuntur, vt puto, sed de leuioribus quibusdam culpis & excessibus commissis, (in quibus propter leuitatem & non necessitatem tentatio aliqua præsumptuosa possit fortè subuereri) vtique de mente cæterorum existimauerim esse, si in extremum necessitatis casum, ac aliter non plenè cognoscendæ rei Magistratus & iudices horum maleficiorum hanc aquæ probam veluti sacram adhibeant anchoram.

115

Hinc verò & quartum in ordine argumentum confutando regulariter non diffitebimur verum esse, Indicia omnia & probationes quæ in hanc rem detegendam adhibeantur, sancta, licita, possibilia, ac de sensu seu intellectu communi deprompta esse oportere, distinctione 4. c. erit autem lex. Ceteroqui in præstigijs, ciurationibus, seu alijs modis contranaturalibus & illicitis agere iudicem nihil planè conuenit, ne in illud incidat Catonianum:

Turpe est doctori, cum culpa redarguit ipsum.

116

Cæterum & nos experimentum istud eo modo ac mystico intellectu, quo dictamus, sumptum sanctissimum & minimè illicitum esse opinamur. Nam malo nodo malus quærendus est cuneus, & clauum clauo pellere, quatenus aliter non possis, etiam iuste liceat, dum fraudulentum suis met fraudandi artibus petere & depellere liceat, quemadmodum mutuo acceptum, ac sine testibus redditum aduersus repetentem idem directò liceat negare mutuo acceptum esse asserit, Marana & alij Doctores.

Etcum.

Et eum iudex ad aliud nihil inuentus sit, quàm vt 117
 veritatem omnibus artibus & perquirat & inueniat. Sa-
 nè quidem dùm per legales testes huius rei ad conuin-
 cendum fides certò haberi non potest. Complures au-
 tem desperati, fraudulentì, inuidiosi, socios habere stu-
 dentes, aut verò ipsi per impostorem suum amasium fa-
 scinati, qui personas sàpè aliorum consecratur, ac emē-
 titur: status causæ suspensum non possit non integrum
 alioquin iudicis animum tenere, in hac inquam rerum
 perplexitate, quid à fide, quid à possibili, quid à legum
 sanctitate ac recto iudicio foret alienum, dicere seu te-
 nere hanc aquæ notionem, publicam seu diuinam quā-
 dam esse degradationem, qua Deus illam, quam per a-
 spersionem sui lauacri baptismatis, sedore æternitatis,
 ac consortio cœlestis hierarchiæ sibi adsociavit, ac ado-
 ptando deuinxit iterum contestatione publica dimit-
 tat, ac propter ruptum pactum fidem abrumpat, eā dis-
 iungat ac exautoratū esse velit, ac quasi de gradibus ad
 barathrum deiiciat.

Quintum argumentum tendit quasi in scrutatio 118
 nem seu penetrationem diuinorum mysteriorū. Quan-
 do itaque scrutari diuinam maiestatem vnicuique reli-
 gioni esse debeat, idèò oppressiōem à gloria ac casum
 de propinquo appetere videri illum, qui diuino iudicio
 eminūs referuata, humana intelligentia referare concu-
 piscit, Deiq; maiestatem attentat.

Cæterum nos non tam existimabamus de voto vel 119
 intentione cuiusque Magistratus fuisse vnquàm, huius
 rei abditam ac diuinam saltèm causam hic perscrutari,
 seu intellectu suo comprehendere velle. Altiora enim te-
 ne quæsieris, inquit Ecclesiastes cap. 3. Verbo quippe suo
 & signo insimul vult agnosci Deus, vt habetur Exod. c.
 20. saltè tantò vehemētiōri affectu, & venerari, & mirari
 hoc diuinū mysterium (per quod contra oēs tam sinuo-
 sas dæmonis fraudes ac mille per meandros latētissimos
 astus) desideratissimam rei veritatē hoc simplici ac com-
 posito factō Magistratui vt ministro suo ob oculos po-

voluit Dei omnipotentis benigna misericordia.

120

Cæterum si præterita diuinæ omnipotentiae Maiestate huius facti vim & potestatem in solum conijciamus dæmonem, derogare quid ac iniustitiam aliquam ei imputare videbimur, qui vindictam gloriæ ac iustitiæ suæ nunquam inultam passus est, qui functioni Magistratus & ius dicentis se affuturum, & veritatem proditurum se repromisit, &c.

121

Quantò quippe in hoc ima potestatem dæmonum maiorem videmus, tãtò tenaciùs mediatori Deo est inhærendum, per quem si cõfidimus, de his imis ad summa conscendimus. Nam si dixerimus etiam nunc contrariam eorum partem, quam defendimus, esse veriorẽ, hoc experimentum non esse tentandum, illo eodẽ errorem hunc in cordibus hominum præuolunte, non decrunt qui eiusmodi quædam vel certissimè se audisse, vel etiam expertos esse asseuerent. Firmissimè ergò credendum est omnipotentem Deum omnia posse & velle facere, quæ voluerimus siue indicando, siue præstando. Nec dæmon aliquid operari secundum naturæ suæ potentiam potest, quia & ipse Angelica creatura est, licet proprio sit vitio maligna, nisi quod ipse permiserit, cuius iudicia occulta sunt multa, iniusta nulla.

122

Et si dixerit quis hanc probam interdum erroneã, & ferè falsam extitisse: Respondebo id, veritate dicti præsupposita, vel imperitia seu fucò liçtoris seu carnificis, vel propter minorem iudicum seu astantium confidentiam fortè factum esse, vide Matth. 17. Marci 9. & Actorum 19. cap.

123

In sexto argumento impingitur nobis, quod temerè siue causã ac necessitatiuè hanc aquæ probationem admittamus, quæ eam ob causam tanto improbiore sit, quòd citra vllam legis præscriptum fiat exerceaturve, cum alioquin ex causis legem præterire liceat, idè quod necessitas legem non habeat, imò verò hanc ipsam dubitationem obscurando atq; adaugendo, dixerit fortè aliquis sic: neque in ipsa necessitate tutum fuerit hoc aquæ subsidium adhibere. Exemplo Sauli Regis, qui

qui contra præscriptum à Samuele propheta habitum, ac ante conuentos per eos dies holocaustum domino pacificatorium obtulit tunc, quando necessitate compulsum impetum ad pugnam præparatorum, ac sibi imminuentium Philisteorum pertimuit, ac ad descendendum sese parare necessum habuit.

Dixit enim Samuel ad eum, stultè fecisti, ne quæ 124
 custodisti mandata domini Dei tui quæ præcepi tibi, quod si nō fecisses, iam nunc perpetuasset dominus regnum tuum super Israël in sempiternum, sed nequaquam regnum tuum ultra confurget, ut habetur 1. Regum cap. 13. & infra capite 15. eodem. ubi de optimis gregibus ouium & armentorum, vestibus & arietibus, & cunctis præcisioribus ab hostibus acceptis. Saul contra quàm præceptum erat in usum sacrificandi ac immolandi reseruauerat, neque disperdere ea voluerat. Samuel Propheta ex reuelatione diuina iratus, ita ad Regem Saul inquit, Nunquid vult Deus holocausta & victimas, & non potius ut obediatur voci domini? Melior est enim obedientia, quàm victima. Et auscultare magis quàm offerre adipem arietum, quoniam quasi peccatum ariolandi est repugnare, & quasi scelus idololatriæ nolle acquiescere, pro eo ergo quod abiecasti sermonem domini, abiecit te dominus quod non sis Rex.

Quibus verbis euidenter datur intelligi, non modo 125
 quod quod fines mandati diuini sint diligenter custodiendi, sed etiam quod eorum (quæ secundum proportionem nostri verosimili mandantis forent voluntate per æquipollens) nulla sit extensio, id quod in humanis legibus ferè secus obtiner.

Sed huius dubij prior pars ex præcedentibus & in sequentibus conclusionibus etiam resoluitur, posterior 126
 pars Theologorum est, quæ tamen in hoc residere videtur, quod propter summum studium quo populus Israëliticus tunc ad idololatriam ac gentiliū ritus ac ceremonias adeo erat addictus, ut non nisi expiatione victimarum, ac exteriorum satisfactionum ac reconciliationum hostijs victoriam sese reportaturum crederet

à Deo, per quæ talium rituum non necessarium, sed propitiatorium vsum magis, quàm per Dei virtutem ac omnipotentiam se vincere existimabant. Quæ incredulitas etiam tùm & in ipso rege Saule residebat, qui dùm prouidè ac sapienter se fecisse fuit arbitratus, stultitiæ ac incredulitatis est à Deo Propheta insimulatus, qui causam ac DEI voluntatem ad populum melius nouerat.

127 Septima opinio quam suprà diximus esse Ioannis Bodini Andegauensis, minùs nos moratur. Ferè enim est quòd è contra existimemus hanc illam esse scholam in qua liquefactis, reiectis, ac pertusis omnibus illis dæmoniis ac astutijs ac illusionibus, quibus is potestatem aquæ in se (hominibus falsa pro veris persuadendo) cõuertit, inconuincibili conuictus fundamento. Magistrum suum eiusque antidotum agnoscere, ac Magistratus officium reuereri, discipulus potiùs discere, ac locũ relinquere, quàm victoriã reportare debeat. Ergo cum eo non tam paciscitur, quàm is deceptor suis met artibus decipitur, argum. I. qui cum tutoribus, §. qui per fallaciam, ff. de transact. non tam attrahitur, quàm abstrahitur & abigitur ille malus hospes, &c.

128 Octauò sic ratiocinatur D. Binsfeldius, dæmon per aëra potest Maleficarum corpora celeritate incredibili & sua virtute ad remotissima loca deferre. Ergò valet etiam sustentare eadem ne submergantur in aquis. Tanto magis cum & mediocri potentia vir puerum possit tenere ne profundum petat.

129 Ad hoc itaque octauum argumentum (quum paucis respondere non possim) in initio & fine responsionis illationem directò negaui: sed etsi haud grauàtè vtramque concessero, dæmones (qui triplici pollent acumine potestatis suæ præ cæteris omnibus terræ creaturis, scilicet subtilitate naturæ, experientia temporum, & reuelatione superiorum spirituum) virtute potestatis propriæ & de natura sui, tam hominem per aëra corporaliter & reuera transuchere, quàm in aquis retigere possent ne submergatur. Tùm tamen imprimis & hoc in quæ-

quæstionem cadit, an eadem, illa potestas integra sit & imminuta ei à DEO concessa & relicta in illas maleficas, quæ censura Magistratus ordinarij iam ad hanc aquæ probam adhibentur & inuinculati sint?

Nam dici & tentari posset sic: Quod si sathan permissione diuina saltem eas quæ maleficæ verè sunt, per aëra posset localiter ad remotissima incredibili celeritate deferre loca, id videri ipsi in singulare priuilegium, & speciali iure à Deo datum, propter detestabile hoc pactum degeneratuum, fœdis fragarum maleficarum cum dæmone habitum, sicque in hoc genere corporum eam solum habere potestatem à Deo dispensatiuè datam. 130

Sed quia in sacris scripturis compertum est, vsusque docet, quod dæmones hanc corporaliter transuehendi, & sublimandi artem exercent etiam interdum in homines non maleficos, sed pios ac alioquin bonos viros, item in homines sanctos, vt D. Antonium, Iob & alios. Quin immò in Saluatorem ipsum met nostrum in pinnaculū templi Hierosolymitani sublimatum, ideò certiore veritatis præsumptione tenendum esse videtur, dæmones virtute potestatis propriæ & de natura sui hanc transuehendi potestatem generaliter & regulariter in omnes homines, imò dixerim penè in omnia terræ animalia habere à Deo concessam. 131

Huius sententiæ ex Lambertus Danæus in suo dialogo quem de veneficiis inscripsit, cap. 4. Dicit enim quod tanta sit vectoris huius, hoc est sathanæ celeritas & in agendo vis & potestas, nihil enim hunc impedire potest eorum (inquit) quæ nobis festinantibus obstant. Neque illi laboriosum aut arduum est, currenti aërem diffindere, quemadmodum nobis. Est enim Angelicæ & subtilissimæ naturæ non autem corporeæ, quia spiritus est. 132

Inde fit, quod præ celeritate & pernecitate vectoris huius quâ & aues ipsas anteuertere dicitur, maleficæ quædo per aëra feruntur, defatigatas se & cōfectas quasi. 133

ex labore conqueruntur. Id fit propter densitatem aëris, & corpoream hominis substantiam.

334. Dæmones, ergo præstantiâ intellectus sui conditiones & naturales hominum impressiones ex influentijs corporum cælestium in illis prædominantes agnoscunt. Vnde & eliciunt aliquos esse magis dispositos ad maleficia exequenda, quàm alios, quos etiam præ cæteris ad huiusmodi exequenda infestant.

335. Proprietates quippè dæmonum à Theologis assignatæ, referente Malleo in 3. quæstione primæ partis multæ referuntur. Quòd sint spiritus impuri, licet non immundi ex sui natura, quia in illis secundum Dionysium inest furor naturalis, amens concupiscentiâ, phantasiâ, proteruiâ, quod ad peccata eorum spiritalia superbiâ, inuidiam, & iram. Vnde sunt genere animalia humani generis inimici, mente rationales, absque tamen discursu intelligentes, corpore aërei, tempore eterni, in nequitia subriles, nocendi cupidi, semper in fraude noui, immutant sensus, inquinant affectus, vigilantes turbant, dormientes per somnia inquietant, morbos inferunt, tempestates concitant, in lucis Angelos se transformant, semper infernum secum portant, erga maleficas diuinum cultum sibi vsurpant, magicæ artes per eos fiunt, super bonos dominari appetunt, & amplius pro posse infestant, electis ad exercitium dantur, semper fini hominis insidiantur.

336. Vnde dicitur in Iob cap. 41. Non est potestas super terram, quæ ei valeat comparari, qui factus est ut neminem timeret, omne sublime videt, ipse est rex super omnes filios superbiæ, ubi glossa: licet neminem timeret, meritis tamen sanctorum subiacet, in quibus omnibus hoc pro certissimo est habendum, sathanam non nisi & per causas & per modum naturalē efficere quicquam possit. Nam quicquid ille, vel ipse per se, vel per suos & Magos & sortitarios facit aut omnino mera animi oculorumve illusio, aut verus causarum tantum naturalium effectus est, aliud enim aut potentius agere nihil quicquam potest.

Vnde.

Vnde licet multa mira, miraculosaque, & incredibilia opera (propter scientiæ præstantiam, qua omnes homines antea) efficere possit, ipsa enim potestas, quæ illud efficit, in vno Deo residet, penes enim vnum est, nec in creaturam vllam vnquam transportatur, quia vt est apud Isaiam, gloriam suam sibiq; propriam nunquam dar alteri Deus, qui solus est proprietatum & virtutum quæ rebus insunt, autor & creator. Solius ergo Dei est vti condere & creare. Ita quoque abolere ac euertere, seu proprietates & vires rerum adimere, id quod dæmon nullo modo potest.

Adde quidem quod & boni Angeli, Apostoli, Prophetæ, & fideles homines in edendis miraculis, quæ fecisse dicuntur, Dei tantum instrumenta, & ea quidem merè passiva, non autem actiua, vt vocant, extiterunt, vt probatur authoritate sancti Petri Apostoli, Actorum 3.

Nec sequitur tamen, quod si in miraculis Deus est vsus illis suis seruis, sathana quoque vtatur, & per eum miracula fieri velit. Non vult enim Deus, idque iuste, gloriam suam diabolis & sathanæ communicare ea mensura, qua Angelis beatis & sanctis hominibus confert: id quod vel ex eo satis constat, quod Moyse & Aaron serui Dei fecerunt vera miracula, quæ tamen Pharaonis Magi, quanquam exercitati in sathanicis artibus, discipuli & præstantissimi ipsius ministri efficere non potuerunt, agnoueruntque ipsius solius Dei digito præstari, & omnem vim naturæ longè superare, vt est scriptum Exod. cap. 8.

Nam Christus ipsemet sathanæ immodicò tentatori dixit: vade sathana, scriptum est enim, dominum Deum tuum adorabis, & illi soli seruies, Matth. cap. 4. Atque huius rei inter sathanam & veros Dei seruos discriminisque diuersique Dei consilij, hæc ratio est, quod sathan in edendis miraculis non spectatur ut sit Dei gloriam, at boni Angeli & sancti viri eodem saltem respiciunt.

140 Itaque miraculorum Dei instrumenta sæpè hi sunt, iste autem nunquam. Et quanquam illud verum est, sathanam nihil omninò posse, nisi quantum, & quando, & in quibus rebus Deus ipse illi concedit: tamen rerum ordinem à Deo constitutum, proprietatesq; rerum neque euertere, neq; mutare potest.

141 Neq; tanta illi potestas à Deo tribuitur, neq; etiam ut per alias artes quàm naturales operari valeat, & si sæpè quidem nobis ignotas. Deinde etiam quas ea celeritate impellit, ut totum ipse opus miraculum esse videatur.

Citò enim colligit ea media, easque causas quibus agit, verbi gratia, statim nubes congregat, unde emittit pluuiam, confestim cogit & spissat aërem, ut ex eo densatum quoddam visibile corpus & spectrum nobis obijciat, venena momento miscet unde lædat, continuo ea repræsentat & fugat, quæ petuntur, postulanturque ab eo, præterea ita celeriter hæc omnia efficit, ut mira & incredibilis nobis sit istarum rerum celeritas, quæ tamen singulæ per causas naturales in ipso præexistentes fiunt ac perficiuntur, ita pro sententia nostra disserit Lambertus Danæus in suo dialogo de Veneficis, cap. 4. prope finem, confirmatque conclusionem & quaestionem nostram supra ad primam decidendi rationem allatam.

142 Porro de summa dæmonis impotentia, & quod is neque miracula vlla realiter facere, neq; promissa quacunque illa hominibus fecerit, vel illi ab eo sponte expectent, adimplere possit, sed delusionibus paupertate mera ac vana spe eos inebriet & circumueniat, præterquam quod sacra pagina ac experientia rerum, affatim testis sit, luculenter etiam demonstrat Hieremias Propheta in Epistola quam misit ad abductos & captiuos Iudæos per Regem Nabuchodonosor in Babylonem, ubi inquit, &c. Vnde ergò notum est, quia non sunt dii, sed opera manuum hominum, & nullum opus Dei in ipsis est? Regem regioni non suscitant, neque pluuiam hominibus dabunt, iudicium non discernent, neque regiones

AQVAE FRIGIDAE.

giones liberabunt ab iniuria, quia nihil possunt, sicut corniculæ inter medium cœli & terræ. Et cum incidit ignis in domum deorum ligneorum & argenteorum & aureorum, sacerdotes quidem eorum fugient & liberabuntur, ipsi verò sicut trabes in medio comburentur. Regi autem & bello non resistent, quomodo ergò æstimandum est aut recipiendum, quia dii sunt? Non à furibus neque latronibus se liberabunt dii lignei & lapidei & inaurati & inargentati, quibus iniqui fortiores sunt.

Hæc dæmonis simulatissima vel dissimulatissima potentia vel impotentia per Gedeonem comprobatur, Iudic. cap. 6. qui ad necem & ultionem se (propter destructam aram Baal & succisum eius nemo) vocatibus respondit: Nunquid ultores estis Baal, ut pugnetis pro eo? qui aduersarius eius est moriatur antequam lux crastina veniat. Si Deus est vindicet se de eo, qui suffodit aram eius. Ex illo die nominatus est Gedeon Hierobaal. 143

Amplius verò & hoc præmittendum est, bonorum Angelorum in malos aliquod esse imperium & regimen, prout & inter ipsos mutuam prælationem. Unde dicitur, quod quàm diu durat mundus, angeli angelis, homines hominibus, dæmones dæmonibus præfunt. Rursusq; D. Augustinus, spiritus vitæ desertor atque peccator regitur per spiritum vitæ rationabilem, pi-um & iustum. Et sicut illæ creaturæ super alias influentiam habent, quæ sunt perfectiores & Deo propinquiores, idè quod totus ordo prælationis primo & originaliter est in Deo, & participant à creaturis, secundum quod ei magis propinquant, idè etiam boni Angeli qui maxime propinquant Deo propter eius fruitionem quæ dæmones carent, super ipsos dæmones habent prælationem, & per eos reguntur. 144

Et si infles sic, quod dæmones præmissis medijs multa faciant mala, aut ergò non impediuntur, quia non subsunt bonis Angelis, qui eos impedire possent.

Aut

Aut si subsunt, tunc enim ad negligentiam præsentis pertinere videntur, ea quæ per subditos malefiunt, dicendum videbatur, quod in Angelis bonis sit aliqua culpa huius mali in homines redundantis.

146

Respondetur, quod sancti Angeli sint ministri diuinæ sapientiæ, quæ quæmadmodum permittit aliqua mala fieri (iuxta illud: Posui iuxta te aquam & ignem, bonum & malum, id quod volueris apprehende. Gen. 3) per malos Angelos. Ita & boni Angeli non totaliter cohibent malos à nocendo, siue homines, siue dæmones.

147

Deinde & hoc Catholicum est asserere quendam ordinem actionum interiorum & exteriorum, etiã per quendam prælationem esse in dæmonibus. Vnde & quædam spurciæ à quibusdam infimis perpetrantur, à quibus superiores propter nobilitatem naturæ secluduntur. 2. distin. 2.

148

His per modum digressionis euidentium loco præmissis (incumbimus quippè adhuc in octauo argumenti resolutionem) concessaque principibus tenebrarum tantâ vi & præpollentiâ, quanta vllæ sublunaris huius mundi creaturæ intellectus, scientiæ ac potentiæ multa foret attribuendum; piaculum tamen adhuc existimauerim credere, Deum hanc illi potestatem (tunc quando ad finem veritatis habendæ pro certiori fide Magistratus in hoc occultissimo, ac mille impositionibus obnoxio crimine adlaborat) nihil esse imminutum velle.

149

Cæterum verò, hanc imminutionem vel potiùs naturalem dæmonis in elemento aquæ impotentiam ut doceremus; sicque istam inductionem D. Binsfeldio inoffensam non daremus, ita ex collatione infra scripta mouebamur.

Diabolus est spiritus qui ex densitate aërea certam modò hanc, modò illam reddit vel formam, vel speciem.

150

Atque faciliùs operatur vnumquodque corpus in natura sibi simili quàm dissimili: sed dæmon à natura aquæ

aquæ longè est dissimilis: ergò operatio dæmonis naturaliter potius frangitur in aqua, quàm sustentatur vel cooperatur. Hoc idem probatur ex virtute vniuscuiusq; elementi sic inferendo:

Quodlibet elementum vt elementum habet peculiarem & sibi appropriatam virtutem creatam, qua ratione ad defendendum semetipsum contrario se elemento opponit, vimque suam exercet: At diabolus est ex elemento aëris compactus, ergò contrarius elemento aquæ, sicque facilius & de natura sui expeditius operatur in aëre quàm in aqua: hæc ex collatione D. Huberti Bleissemij, &c. decima sexta die Nouembris, Anno M. D. XCIV.

Planè dum penitiùs dispiciendo, ac cum alijs perquirendo tam sacras literas, quàm alias probatas historias percurrimus, constare videtur, quod dæmon in vltimum mortalem hominem siue bonum siue malum ad submergendum funditus, vel super aquis tenendum vel superuchendum eundem inuitum potestatem seu exercitium suum nunquàm habuit. Quamuis quem canem, hoc est dæmonem, Cornelius Agrippa iuxta secum viuus habuit, ille moriente hoc, Arari fluuio seipsum submerferit. Ergò vel de latenti, & valdè mysticâ diuinâ voluntate, vel de natura dæmonis exilis, aut planè nulla eiusdem est in hoc elementum potestas inuitum hominem, quod tamen sub dubio relinquimus.

Illud planè ex vitis sanctorum Martyrum est compertum, quod quemadmodum Ethnici illi Tyranni & Cæsares, eorumque causarum capitalium præfecti circa tormenta & mortem Christianis illatam id summo sibi studio habuerunt, vt adeò memoriam & omne pietatis vestigium mentibus & oculis Christianorum funditus eradicarent, quò ne cineres suffocatorum superesse possent martyrum.

Quocirca, neque gladio, neque igne, sed cum primis aqua in mari illos absumere tentârunt.

Ita è diuerso ælofi illi & occulti eiusdem temporis

D

Christia-

Christiani dominum Deum sedulò exorârunt, vt tali mortis genere suos martyres & fidei testes affici sineret, ex quo ipsis de corpore membris, vel cinere saltè corum pia emulandi recordatio vti præmonstratrix superesse posset imitatione.

335 Quos Deus ita quidem exaudiuit, vt ex historijs cōstat, non modò non esse multos martyres mari absumptos vel suffocatos, sed etiam penè omnes aquis ad submergendum traditos supernataſſe, vixque vi vllâ mari interiiſſe, sed miraculoſe retentos, tandè gladio mediante coronam gaudiij in perpetuum accepiſſe, idq; ſecundùm Eſaiæ Prophetæ dictum cap. 43. Cùm tranſieris per aquas, inquit, tecum erò, & flamma non operiet te. Cùm ambulaueris in igne non combureris, & flâma non ardebit in te, quia ego dominus Deus tuus ſanctus Iſraël ſaluator tuus, &c.

Ecce vt elementis ſuis officium proprietatis ipsis datum adimit vel inuertit ad manifestationem veritatis omnipotens Deus.

Pro cuius rei corroboratione, tùm & generalis adſertionis noſtræ ſanctiſſima intentione comprobanda ſufficiat D. Bernardi ſuper Cantica Canticorum cap 66. prope finem, hoc vnum & miraculoſum & apud veterem Eccleſiam in more poſitum factum. Plerunq; fideles iniectis manibus, inquit ſanctiſſimus vir, aliquos ex eis (intellige hæreticis, vel de hypocrifi ſuſpectis) ad medium traxerunt, quæſiti fidem, cùm, de quibus ſuſpecti videbantur, omnia prorſus ſuo more negarent, examinati iudicio aque, mendaces inuenti ſunt. Cumq; iam negare nō poſſent, quippè deprehenſi, aquâ eos nō recipiente, arrepto, vt dicitur, freno dentibus, tam miſerè quàm liberè impietatem non conſeſſi, ſed profeſſi ſunt, palàm pietatem & pro ea mortem ſubire parati, nec minùs parati inferre, qui aſtabant, itaque irruens in eos populus, nouos hæreticis ſuæ ipſorum perſidiæ martyres dedit: Hæc ille.

336 Nonò non multùm mouebamur de identitate ac conſimilitudine rationis, quam ad improbandam hanc aquæ

aquæ frigide in flumine vel palude purgationem, idem Theologus Binsfeldius adferebat, autoritateve ex proba candentis ferri vel aquæ bullientis ibidem reprobata, quia istas purgationes antiquitus, non ex decreto vel imperio Magistratuum seu Iudicum iniunctas, sed ex ipsarum partium reorum suspectarum seu delatarum oblationibus, ac paratò, in leuioribus scilicet delictis seu excessibus, vñtatas fuisse comperimus.

Ita enim scribit Didacus Couarruuias variarum resolutionum libro 4. capite 23. de purgatione vulgari, quæ sit candenti ferro: Qui fidem sibi iurantibus haberi aliqua de re graui postulârunt, inquit, consueuissent ignitum ferrum manibus tollere, & super ignem ambulare, putabant enim minimè dolorem aliquem sensurum eo experimento, qui veritatem dixisset, eratque certæ fidei & innocentie signum maximum ab eo periculo illa sum quenquam euadere. Vnde parati erant & candens ferrum in manibus tollere, & per ignem serpere, Deosque iurare, nec fecisse nec fuisse conscios, quemadmodum de vxore Imperatoris Henrici conditi sancti referunt historie, quæ in testimonium non violati thori coniugalis, candens ferrum manibus suis inoffensè portauit, & sustinuit vltro.

157

Et licet in contrariam huius resolutionis partem ipsorum Canonum suprâ in rationibus dubitandi citatorum verba afferantur ex dicto can. final. de purgat. vulgari. ibi, eos iudicium candentis ferri subire compellant, & ex dicto canone, Mennam. ibi, nec ipsum exhibere, nec aliquo modo te volumus postulare, &c.

158

Ex quibus verbis euincitur reos suspectos nō assumpsisse in se vltro hanc probam vel obtulisse, sed de iussu iudicum ipsis iniunctam seu imperatam, atque vtrunque modum hic esse prohibitum.

Tamen adhuc diuersitatis rationem inter hancque probam & candentis ferri docemus ex ijs quæ tradit Maleus Maleficarum in suo tractatu tertie partis secun-

159

dæ principalis de modo terminandi processum per debitam sententiam, quæst. 18. de modo purgæ vulgaris, & præcipuè super examen candentis ferri, ad quod maleficæ plerunque appellant.

160 Nam dicit ibi miraculum non esse, licet mortalibus possit videri, si opera dæmonum à læsionibus in examinatali (scilicet proba candentis ferri) maleficæ præferuentur illæ. Cum & naturales succus cuiusdam herbæ ita sunt efficaces, ut ubi manus illis inungitur, tam à combustione possint præservari, cum & ipsum dæmonem virtutes herbarum minimè lateant non modò, sed & eisdem cæterorumq; medicinalium remedijs omnium multò melius ac virtuosius quàm quisquam uti possit. Est enim nequam ille medicus perspicacissimus, Physicus absolutissimus, mathematicus intelligentissimus, ac Theologus scientissimus.

161 Dato etiam, quòd per interpositionem alicuius corporis inter manus deferentis, & ipsum ferrum pernitate sua læsionem non interciperet, pro inuisibili suo artificio id procurare posset: tamen per eiusmodi naturales rerum proprietates hoc efficere posset. Vnde minùs quàm quicunque alij malefactores, ipsæ maleficæ propter intimam familiaritatem quam cum dæmonibus habent tali examine sunt purgandæ; sed ipso facto, ubi ad hoc appellant, iam ut suspectæ sunt habendæ, hætenus fèrè Malleus.

162 Idem autor eodem loco multò vehementius improbat Monomachiam olim vsitatam, iam verò, per totum abolitam ea ratione; quòd minor sit læsio per candens ferrum, quàm vitæ interfectio per singulare certamen, idèò in locis ubi hoc duellum admittitur, si consuetudo id habeat, (de qua nunc disputare non attinet) à fortiori examen candentis ferri dicit admittendum esse:

163 Addens, iudicibus in primis ad probam duelli esse admittendum; quia in eo datur potestas, vel saltèm conceditur licentia utrinque interficiendi se mutuo, & cum alter eorum sit innocens; idèò dicit per iudicem præsta-

ne autoritatem vel saltè hcentiam interficiendi innocentem, quod cum simpliciter sit illicitum, quia contra dictamen iuris naturalis & diuini, ideò omninò non tē-
tandum, neque ex parte Appellantis neque incipientis, multò minùs ex parte iudicantium vel consulentium, quia dicit omnes pro homicidis reputandos.

Planè in eo casu, quo non ad requisitionem, consi-
lium vel mandatum iudicum, sed de spontanea vtriuf-
que partis hincindè oblata voluntate inter Appellantē
& recipientem tale duellum exerceatur. Ibi iudicantes,
vti solos spectatores vel vltronæ eæ executionis admi-
nistros, absque mortali peccato esse posse sentit, siquidē
in hoc ipsi domini suorum membrorum & vitæ vindi-
ces esse volent.

Sanè quidem, vbi alijs remedijs iustum iudicium
vel terminationem litis iudices habere possunt, hanc
tentationem Monomachiz vel aquæ bullientis ad epo-
tandum, seu ferri candentis ad apprehendendum mini-
mè admittere debebunt. Nam si hoc faciant, permittant,
vel consulant, vtrique ad interfectionem innocentis cō-
sentire videbuntur.

Cæterum verò, quod ad singulare & diuinum exē-
plum Davidis cum Philistæo Goliath attinet, quod ha-
betur i. Reg. cap. 17. quasi ibi licitum fuerit duellum. Re-
spondetur enim quod reuelatum fuerat Davidi à domi-
no interiori instinctu ac fiducia quod tale certamen ini-
re debet, & quod injuriam sibi illatam per eum vindica-
re veller, quod ex verbis Davidis elicitur: Ego venio cō-
tra te, inquit, in nomine Dei viuentis, &c. & sic non fuit
proprie duellator, sed diuinæ iustitiæ prædestinatus e-
xecutor.

Hic si quis iterum subiungat: Ergò eadem ratione
ac in eisdem terminis, quibus tu aquæ frigidæ probam
contra maleficas esse assumendam concludis, in eadem
hypothesi & candenti ferro, vel aqua bullienti ad epo-
tandum licebit vti ad iudicium contra easdem facien-
dum.

Sanè hic ego non solum, dum responsum meditor;

sed etiam per totius huius vnicæ materiæ tractatū comperio; quàm sit cautè ac prudenter scriptori agendum, non solum quoad suæ ipsius salutis, sed etiam quoad omnium aliorum) quibus hæc in manus fortè venient, vel qui ad eadem iudicia & censuras collimare sua volent) curam & sollicitudinem.

169

Suadendum tamen aliam quam hanc aquæ frigide probam minimè existimauerim, tum propter supradicta, tum etiam quod in epotanda aqua bullienti alia & quidem longè diuersissima est experiendi ratio, vis & indicatura, quam discreto Lectori vel iudici potius expendendam, quàm mihi scribendam relinquere velim.

170

Tum & eam maximè ob causam, quòd hæc aquæ proba (quando ad arbitramentum iudicium censorum certo vel certis adsumitur, interuallis & mora euidenti) experimento sui multis sit in prouincijs practicata, vt tam doctos quàm indoctos multos, qui eandem viderunt, vel inuitos eam quasi adprobasse sæpius audierim: vt iam alium in eiusdem surrogare locum potius videatur tentare, & maiestatem diuinam scrupulari aliqua diffidentia scintilla adminiculante, quàm gloriam eiusdem in eo quod iam vsu est receptum, collaudare.

171

Conclusiue in ea etiam num persto sententia, quòd existimem, in hoc aquæ elemento maiorem ad explorationem veritatis esse & virtutem & certitudinem quam cæteris: tum propter exorcismos ac sancta salutariaque verba quæ in foedere & regeneratione baptismatis mediante hoc elemento creatoris ad creaturam suam habentur ac adoprantur, tum etiam quod diabolo in hoc, quàm in cæteris minor detur ludendi ac imponendi potestas & authoritas, id quod suprà est demonstratum latius.

172

Id quod consequenter in decimo argumento de extensiuâ huius pacti interpretatione est dictum: vt quando in perquisitione rei occultæ ad positionem alicuius antecedētis quod optamus, facere cupimus, vel fieri petimus; demon(permissione diuina accedēte, vt qbi me-

lius

lius per se secretam hominis intētionem minùs magis-
ve deprauatam ac à se degenerantem nouit) consequen-
tiam aliquam, quam intendimus, neque volumus, qua-
si necessitatiuè subinfert ac includit, arg. 26. q. 4. c. igitur,
ead. quæst. 1. c. nec mirum: de quo genere multa congest-
sit Binsfeldius in suo commentario in tit. C. de Malef.
& mathem. ad rubr. in nono notabili.

Ad hoc argumentum existimamus respondendū: 173
Aliud quidem & longè esse diuersum inter Magistrat-
um iustitię officiatum experimento rei alicuius occult-
tæ indagandæ causa hac in parte vel ista scientia diuina-
tiua & iudiciaria vtentem, idque meræ veritatis & con-
scientiæ suæ tuendæ ergò, stante fide ac certa perfectaq;
intentione in Deum neutiquam dimota: & priuatos a-
lios quoscunq; qui tam occultis ac diuinatorijs medijs
ad aliquid perferutandum vtuntur.

Hi enim præter præmaturam, lubricam, diffluen- 174
tem ac verè inconsultam temeritatem vel curiositatem
nullam rectæ rationis causam prætereendere possunt. Er-
gò intentione illorum deprauata, ac auxilium seu consi-
lium aliundè quàm à Deo directò quærentium attenta:
implicitè retribus illius præstigiatoris illaqueantur, ac
tali consensu qui à fide in baptismo dato illos deflecte-
re redarguit ac manifestat, permissione diuina inuol-
uuntur, quicquid enim ex fide non est, peccatum
est, sacrilegium est, hinc mors, hinc mille pericula
rerum.

Quemadmodum ferè videmus illos qui temera- 175
rio ac non necessario scrutandi ausu hisce ceremoniosis
diuinationibus ac constellationibus seu notationibus
Mathematicis vti incipiant, de errore vno in alium pro-
labi ac indies deteriora consecretari, donè tandem in a-
pertam fidei detestationem ac animæ naufragium in-
currant. Quemadmodum Salomon ipse ab initio quidē
propter solam complacentiam erga vxores suas, reue-
rentiam exhibuit dijs earum, videns meliora, probansq;
deteriora sequens. Nam & post in apertam est pertra-
ctus idolatriam

176. At Magistratum de quo hic evidens necessitas me-
rum ex officio dependens veritatis studium, relique hu-
ius abditissima obnubilatio ac velitationes hinc inde eò
vsque propellunt. Neque enim est singulis conceden-
dum id quod publicè per Magistratum fieri oporteat,
pro quo multæ stant fauorum ac excusationum præ-
sumptiones, modò puris vratur manibus, ac Deum ius-
titiamque eiusdem præ manibus saltè habeat.

177. Ad extremum propter abstrusas (diuinæ volunta-
tis non temerè tentandæ) causas religioni nobis esse de-
bebat, hoc examen in conspectu populi, & in oculis o-
mnium facere vel exponere, dùm vnus hoc, alterius a-
liud de re vel persona sit iudicium, & ferè sinisterum,
dùm occasio datur varijs hominum vel oblocutionibus
vel interpretationibus, ex quibus dominus Deus magis
offenditur quàm veneratur, magis indignationi diuinæ,
quàm iustitiæ ministerio fenestra aperitur.

178. Adeò quod illud D. Gregorij obijci nobis posse in
quinto libro Moralium. Sæpè ipsa nostra iustitia (inquit)
ad examen diuinæ iustitiæ deducta iniustitia est, & sor-
det in districtione iudicis, quod iam æstimatione fulget o-
perantis.

179. Sanè huius argumenti resolutio magis Theologi-
ca quàm iuridica, magis incesti consilij esse viderur,
quàm firmi præcepti; nam in publicam offensam ac de-
testationem tum & terrorem huius flagitij publicè quàm
priuatim hanc probam fieri præstaret. Maximè si deu-
tione ac legalitate populi attentâ publicis precibus in
hoc fiendis venerationem diuini numinis ad veritatis
limam potiùs implorari consultum fortè sit. Si verò po-
pulus malignus, indeuotus, sectator magis quàm exe-
crator huius flagitij existat, seu communiter depraua-
tus, & leuiratis studiosus, ne deterius quid inde sequa-
tur, priuatam publicæ probationi prætulero.

180. Porro & hoc obijciebatur nobis, quod corpora que-
dam humana, aut naturali ac innata animositate, aut a-
fectu quâdam vehementiâ vel perturbacione sui ita in a-
liquo motu sint affecta seu complexionata, vt interdum
super-

AQVAE FRIGIDAE.

37

supernatent aquis suapte virtute, Si scilicet spiritus ille eleuator & rector tantæ naturalis potentiae in homine sit. Vt & corporis (quod aliàs in abstracto per se graue est & deorsum in aquis tendit) energiam ad se supra attrahat.

Aliqui etiam homines intumescentijs seu inflationibus pulmonis ita pollent, Vt vel voluntarij etiam non illicò in aquis dehiscere videantur.

Et ferè fieri dicas, vt pleraque humana corpora alijs citius, alijs tardius in aquis dehiscant, quemadmodum in naufragio videri est, quosdam instar lapidis subsidere statim, aliquos ad longum spatium supernatare: Idque non modò propter vestes, quibus fortè sunt induti, vel natandi scientiam, sed de singulari corporis vel animi constitutione ac natura.

Hiscè omnibus & singulis connexis, nos taliter respondendum censebamus, quod putaremus nullum humanum corpus, vel animi virtute vel perturbationis vehementia seu naturæ suæ quacunque qualitate ita posse affectum esse, vt vel vi vel voluntate sua ad quartam vel mediæ horæ partem super aquas ligatis manibus pedibusque natare, superniti vel eleuatum esse possit, maxime si nullus accedat natationis motus.

Nam corporum tria cum sint genera, vnum grauissimum solidum & maxime perfectum, vt lapis, ferrum, plumbum, omniaque metalla, silex, marmor, iaspis, aqua, &c. Secundum graue quidem, sed leuitate quadam mitum, vel propter naturale vel ascitum quoddam sibi adiacens, vt grando, glacies, pira, homo, ligna in aquis indurata, &c. Terrium leue simplex, vt pluma, ignis, aer, &c. inter quæ nullum nisi posterius aquam infra se patiatur naturaliter, sequitur in hoc experimento circa hominem quid præter naturam contingere.

Tandem verò etiam hoc modo in huius effectus ac operationis causam philosophari libet.

Deus in hac vita per magnifica ipsius ac miraculosa opera tantò vehementius cognoscitur, & quantum opera sunt propiora nobis, magisque sensibus exposita, tan-

tò inefficientis eius causam, ac artificis admirationem ardentius inducimur, ac eundem maiori complectimur & adamamus veneratione: Est enim effectus omnis participata quædam suæ causæ similitudo, ideoque speciem nobis & veluti eius simulacrum exhibet, nam ab effectibus virtus & præstantia causæ cognoscitur.

186

Ergò dum huius operationis causam efficientem, (demonis omni auxilio semoto) in Deum ipsum per iudicem imploratum referimus, hoc beneficium reportamus, vt magnitudinem gloriæ ac potentiæ suorum miraculorum latius ac fixius in plebem diuulgemus ac extendamus, vt discant omnes terrarum populi fortissimâ Dei manum, & vt vos timeatis Deum vestrum omni tempore. Iosua cap. 4. in fin.

187

Qua declaratione opinionis nostræ in hac materia præmissa, si non sustollentur, saltèm ad minorem numerum multi errores redigentur, quos religiosissimus Pater D. Petrus Thyreus Nouesius Societatis Iesu Theologus, in libello suo de dæmoniis (in quo de dæmonum obsidentium ac hominum obsessorum statu, conditione, viribus & potestate agitur, cap. 19.) ijs imputat qui hoc aquæ frigidæ prodigiosum factum dæmonis leuitati (qui & igneæ & aëreæ est naturæ) solum & insolidū ascribunt.

188

Neque enim nos existimamus tales personas in corpore diabolum gestare vel habere, neque vel idè quod is eos regat, eucharque, supernatare aquis, neque etiam nos definitionem ex hoc sumimus effectū, sed præsumptionem saltem.

CAPVT IIII.

189

HACTENVS in ambigua lusimus arena, concitatoque cursu, ac velitat onibus hinc inde factis, nostram quidem (saluo semper sanctæ matris ecclesiæ calculo & determinatione) deprompsimus sententiam: nunc extremis relictis, atque utrâque classe cōiunctâ, vtrâ pars victrix, vel qua ratione invicem concilian-

ciliandæ sint, libet hac bicipiti conclusione depro-
mere.

Sanè quidem, quando dæmonicam illam turpitu-
dinem ac fecditatem huius criminis penitiùs intueor;
quando in abditissimas insidias, fucos, ac imposturas
tortuosissimi serpentis ardentissimi ac potentissimi ma-
gisterculi principis scilicet tenebrarum mentis oculos
fixè intendo meos; quando in indignationem, pericula
ac exitia illa, quæ ex impunita dissimulatione vel indili-
gentia Magistratus quicumque apud Deum incurrit, in-
tellectum defigo meum.

Tandem verò, & in primis, quando pensculatiùs
circumspicio, vt dæmon (vt qui à Græcis calumniator
dicitur, semper explorans bonorum facta. Sap. 3. Ecclef.
17 & adeò affabrè omnes irretire & seducere studet, vt e-
tiam coram Deo ipso, accusationem instituere audeat,
nedum malorum, sed etiam bonorum. Iob 1. Genes. 3. S.
Petrus Canonica epistola 1. cap. 5.) possit, velit, & mille
modis hastenus etiam incognitas artes, technas ac vi-
as paratas habeat, quibus tam Magistratum, qui iustitig-
magiæ sortè præsidet iudicando, circumuenire ac delu-
dere, quàm quoscunque pios, & minimè reos homines
in reatum ac diffamationem huius detestabilitatis, ar-
cescere, prouocare, ac omnibus modis inducere studio-
sissimè nititur. Idque propter Vatinianum odium, quo
omnes tam bonos ac innoxios, quàm & malos impen-
sè prosequitur.

Vnicum verè ac certius omninò medium hanc a-
quæ probam existimo, quo Deus ter Optimus Maxim.
tam ea quæ Maleficæ secretissimè ac omnibus arbitris
remotis committunt & peragunt, quàm & ea quæ de-
nunciationibus, samâ ac iudicijs testantium, nunc falso
nunc ambiguâ fide circumferuntur, ac iudicantibus sæ-
pè persuadentur, reiecta, nudata, ac publicè conspicua ef-
se vult ac intendit.

Quod medium tum planiùs tricipiti proposito sum
conclusurus, vbi duas discussero quæstiones euidenta-
lium ac maioris certitudinis loco præmittendas.

D. Bins.

D Binsfeldius in duodecimo præludio fol. 61. dæmones assumere posse corpora, & in ipsis apparere hominibus concedit.

395

Et licet corpora illa quæ dæmones ex condensatōe & materiali æris elemento adsumunt, vera seu realia corpora non sint, qualia nostra, sed saltem ex tali condensatione carnem & ossa membris & nervis distincta, visibiliter ac tangibiliter circumferant, veramque & solidam habeant æream corporietatem, vel etiam citò in eandem æream elementarem materiam resolvuntur, cum nec veram formam aut organizationem completam (vt loquuntur Physici) sed solum effigiem, quæ potius artificialis quàm naturalis sit, præ se ferant, pariterque signum aliquod in ima vel abdita corporis parte improprietatis humanæ demonstrativum circumferant, quæ internosci possint facile.

394

Tamen quia artificio suo ac ascita alterius corporis ementira repræsentatione ac suppositione adeò dextrè homines plerunque ludificare ac fasci-natos tenere dicuntur dæmones, vt ad longum sæpè tēpus falsa pro veris, ac error pro iudicato seu comperto multoties recipiatur, de quo & exempla & experientiæ extant innumeræ, ex quibus indicia obscuriora ac magis incredibilia apparent, quæ sæpè contra delatas profertur personas.

395

Hinc illa est oborta quæstio, quæ erit in ordine prima: Vtrum dæmon cuiusquam hominis, qui sibi per speciale expressum vel tacitum pactum mancipatus, deuictusque non est, personam in facie, vultu, vestibus, vel gestibus, seu etiam alia corporis assimilitudine inducere & repræsentare possit? Quod si Deo permitte-te, demus, consequenter, indicia contra denunciatas cōperta sæpè fluxa, falsa, ac mille interdum deceptionibus obnoxia esse.

396

Sanè D. Binsfeldius in sæpè dicto suo tractatu de confessionibus maleficarum prope finem dicit hoc contra ordinariam diuinam providentiam esse, quæ ex sacris literis innotescat, atque effectibus declaratur. Sicut

enim

AQVAE FRIGIDAE.

enim diuina misericordia efficiente non potest diabolus (vt rectè Bart. Spineus in quæst. de frigidibus cap. 14. & in Apologia 3. cap. ait) deludere, nisi eos, quorum mentem primò sibi per infidelitatem subiugauerit, ita credendum est, nullius illum personæ figuram (vt de tanto crimine accusetur) posse prætere, nisi eius quam sibi iam per similia crimina deuinctam esse sciuerit, & multoties realiter cum alijs ad ea perpetranda conuenierit.

Et idem Binsfeldius paulò post: Si tamen de extraordinaria (inquit) Dei potentia loqui velimus, negandum non est, Deum posse permittere, vt innocens accusetur in hoc crimine, sicut in alijs ad bonum aliquem finem. Quia diligentibus Deum omnia cooperantur in bonum, tandem tamen innocentia manifestabitur. No-
197
uit enim dominus pios de tentatione eripere. 2. Petri, capite 2. Et sanctus Paulus: Fidelis Deus qui non patitur vos tentari supra id quod potestis, sed dabit cum tentatione protentum. Et iterum, clamauerunt ad me iusti, & ego exaudiam eos: id quod in Susanna & alijs pijs tentatis abundantissimè docetur.

Cæterum cum fallaci diabolo ex sacris literis sic perspectum, Deum non permittere vt electi tribulentur, aut tententur, nisi ad meritum, nisi ad probationem & bonum, idè non appetit talem representationem iustorum tantoperè. Hastenus ille.

Verum nobis pro introductione maioris certitudi-
198
nis huius quæstionis, libet ea commemorare quæ tradit Guilhelmus Parisiensis grauissimus autor in secunda parte de vniuerso. Etenim sicut dæmon, inquit, ab initio ambitiosissimè affectauit assimilari altissimo; ita nunc vsque regnum suum tenebrosum ac sceleratum contendit immanissimâ impietate confirmare regno ac militiæ creatoris deputando angelos tenebrarum diuersis iniquitatis obsequijs, secundum quod Angeli sancti deputata habent ministeria pietatis: sic Ecclesiam malignantium suam, assimilare conatur Ecclesiæ sanctorum, quatenus Deus & saluator, in Ecclesia sua constituit

tuit veros Apostolos, veros Prophetas, sanctos Martyres, fidelissimos confessores, ac virgines fatuas.

199

Enimverò qui ab exordio fuit signaculum similitudinis, plenus sapientia & perfectus decore, factus est simia; ridiculosæ ac deformis imitationis, sic & totum regnum ipsius, sua vanitate, ambitione & iniquitatum congerie versum est, velut in summam quandam Ecclesiæ electorum, quæ verè est regnum Dei. Hæc ille Parisiensis.

200

Proinde quo in hac parte à Doctore Binsfeldio ac Canonica veritate nimium non recedamus, repræsentationem illam ac Ideam Innocentum pernegare planè non possumus.

201

Nam si DEVS permittit Sathanam hominem aliqui non maleficum, non sceleratum variis nocumentis, infirmitationibus ac infamationibus circa corpus, fortunas, dignitates vel existimationem eiusdem diuexare, quemadmodum multotiès compertum est, & comprobatum. Quidni etiam vultum, faciem ac personam eiusdem repræsentare in ludificationem, infamiam, ac discrimen Deo permittente potens erit? Quare putas plus potens esset dæmon si permissione diuina hominem vulgariter innocentem, neque ex pacto vllatenus sibi deuinctum, per aëra in remotissimas regiones, celeritate incredibili ferre, & non eundem de facie, vestibus, vel moribus alijs exhibere in imagine conspiciendum posset? Vide præclarum ac pium tractatum domini Petri Thyrei Nouesij de spirituum apparitionibus lib. 2. cap. penult. & ult.

202

Quid, inquam, mirum, vel incredibile id foret in dæmone, quod homines fecerunt in corpore proprio: Nam ex historijs constat multos mortales aliorum sæpè nomina ac personas sic repræsentatiuè fuisse ementitos, ac alios quasi ij essent quos præferbant, delusisse, specieque veritatis irretiuisse ac obstrinxisse, vt ex eodem illo errore & suppositione, sententiæ sæpè in iudicatum roboratæ, actaque decretaque talium errorum

AQVAE FRIGIDAE.

atorum hominum veritatis vim etiam falsitate detecta, meruerint, quemadmodum de Barbario quodam Philippo fertur, qui tanquam liber esset se populo Romano insinuauit, atque eo nomine prætoriam dignitatem aliquo tempore Romæ administrauit, l. 3. ff. de off. prætor.

Sic Laodice regina Syriæ, cum interfecto marito Antiocho, mortem eius populum celare ac dissimulare percuperet, Artemionem marito persimilem in lectum regium asciuit, atque ille eius iussu, tanquam ipse Antiochus esset, è lecto loquens vxorem & liberos ciuibus commendasset, ea ratione perfecit, vt populus qui Antiochum cum esse putabat (fuerat autem Antiochus toti populo acceptissimus & charissimus) regem atque Laodicis consilio ac voluntate eligere nollet. Plinius naturalium historiarum libro septimo, cap. 12. vbi plura exempli.

Quinimò & nostrâ ferè memoriâ in agro Artigatensi Gasconiz accidit: vt quidam Arnoldus Tilhius, alius Panseca dictus, commilitonis sui Martini Guarraz (quem ex ictu globi defunctum putarat.) apud vxorè, sorores, amicos, cognatos, ac totam denique patriam, personam, mores & gestus adedò dextrè ac artificiosè præ se gereret, ac exhibendo repræsenteret, vt (omnibus ipsius Martini artibus, corporis articulis, ac singulis omninò humanis circumstantiis instar simiæ ac ad viuum ita productis ac expressis) ferè iam sententiam diffinitiuam in contradictorio iudicio, primo Artigati, post etiam Tolosæ in suprema Curia pro se quasi verus ac ipsemet Martinus atque Berrandæ Rolliæ (cum qua duas stante illo errore ac suppositione proles habebat) legitimus maritus esset, iam reportasset; nisi in ipso sententiæ articulo ac momento verus Martinus è militia superuenisset, atq; insignem hunc falsarium confundendo, adulterij atq; multorum aliorum criminum reū effecisset; idq; per sententiam diffinitiuam seu Arrestū die 12. Septemb. Anno 1560. in Curia Gallicana Tolosæ latā: de qua

de qua facti specie memorabilem scripsit tractatum Ioannes Corasius Regius in dicto Parlamento Consiliarius, plura eiusmodi exempla refert Valerius Maximus lib. 9. cap. 16.

205

Ipsè verò Binsfeldius in duodecimo præludio ac passim per discursum sui tractatus de Confessionibus malefactorū, multa profert exempla. Vel dæmon vel ipsius Christi Saluatoris, vel aliorum venerabilium virorum forma, sanctis viris expressit, ac insidiosè repræsentavit, quæ longum esset describere. Malleus item Maleficarum in secunda parte, quæst. 1. cap. 11. non negat expressè, vel absolutè talem transfigurationem vel exhibitionem imaginariam innocentis hominis, sed dicit eam vix dæmoni esse possibilem, tum propter Angelorum mysticam custodiam erga omnes bonos, tum propter criminis huius incomparabilem turpitudinem ac fœditatē, tum maximè quia exemplis eam rem decentibus careamus.

206

Sanè quantum ad Magas ipsas vel Veneficas, est expeditum, quando ipsæ ad choreas vel conuentus met venire non possunt, vel noīūr, dæmonem vel amasium suum eodem cum consensu & mandato suas inducentem personas mittunt. Sed quia Apocalypseos cap. 13. dicitur, datum esse illi bestię bellum facere cum sanctis & vincere eos, & datam esse eidem potestatem in omnem tribum & populum & linguam & gentem, quidni concesserimus eidem & hoc fraudandi hostem suum stratagema? quum Pithonissa in Endor, postulante rege Saulo, suo genio quem familiarem habebat Samuelis animam excirauerit, aut verius dæmonium quoddam eius forma indutum, 1. Regum, cap. 28. c. fin. §. prætereà. 26. quæst. 5. aut ceriè spectrum vel fantasma Samuelem repræsentans.

207

Tandem verò magna probationum ac persuasionū mole hanc nostram astruere tentabimus sententiam & tot pseudoprophetarum ac hæreticorum impijs dogmatibus qui in medio Catholici orbis populo iam inde à nascente extiterunt Ecclesia, qui vel ex euentu rei
quam

quam prædixerant, vel quia venerabiles eloquio seu conversatione amabiles inter suos fuerant, multos vel ingenij viribus prævalentes, vel doctrinæ opibus excellētes, vitæque integritate cōspicuos ac sanctos, etiā interdum imperij diademate, vel summi pastoratus apice præfulgidos viros in extranei erroris ac seductionis suæ pertraxerunt communionem, sicq; in auita fidelubricos fluxosq; effecēre. Quare inquā à Deo nō prohibetur ab initio doceri persuaderi id quod à Deo prohibebatur audiri? Quare Deus non præscindit causas, auferit hæretici commercij gladium, & alligat impotentie catenis autorem, per quem tam perniciosus sequitur effectus, per quem tot noxia sibiq; inimica infligit & disseminat perditionis animæ vulnera zizaniāq;? Sanè quidē ad hoc permittit id facere Deus dæmonem, vt fidos habendo tentationem haberent & probationem. Vanè ergo & inconsideratè pleriq; hoc ipso scandalisunt & succumbunt, scientes & certi quod licet nō abolitionis imperiū; (ipse enim ad hoc creauit dæmonē & nos (militia enim est hominis vita super terram) & non ipsi nos) tamē deuitandi & cauendi arbitriū in nostra haberemus potestate. Et licet in simplici aliqua earum hæresi, qui seducuntur adsit vel culpæ vel voluntatis eorum causas, in hoc verò euentu innocentis persone testimonio nullę omnino causæ vel culpæ militet communio, vnde similitudine sua per totum non conuenire hoc argumentum dixeris, tamen ad Dei tentantis voluntatem, dæmonisque potentiam quod attinet, nulla videtur esse dissimilitudinis ratio.

Quocirca magnam huiusce rei causam à semet profectū Deū ipse vt nos auisando doceret & instrueret per Moysen hanc adfert commonitionem: Non audies verba Prophetę illius, inquit, quia tentat vos dominus Deus vester, vt palām fiat, vtrum diligatis eum an non in toto corde & in totā anima vestra. Deut. 13.

Cuius rei egregium extat exemplum in B. Tobia ca. 2. hisce verbis: Contigit autem vt quadam die defessigatus Tobias à sepultura veniens domum, iactasset se iuxta

parietem, & obdormisset, & ex nido hirundinum dormienti illi calida stercorea inciderant super oculos eius: fieretq; cæcus, hanc autem tentationem idè permisit dominus euenire illi, vt posteris daretur exemplum patientiæ eius, sicut & sancti Iob.

211

Et in eodem Tobia ca. 3. Sara filia Raguelis in Rages ciuitate Medorum orans & collaudans dominum. Hoc autem pro certo habeat omnis qui colit te, inquit, quia vita eius si in probatione fuerit coronabitur, si autem in tribulatione fuerit, liberabitur, & si in corruptione fuerit, ad misericordiam tuam venire licebit: hætenus textus illi, huic confectarium est id, quod dicit B. Paulus cap. 5. ad Roman. Gloriamini, inquit, in tribulationibus, scientes quod & tribulatis patientiam operatur, patientia autem probationem, probatio verò spem, spes autem non confundit, quia charitas Dei diffusa est in cordibus nostris per spiritum sanctum qui datus est nobis.

212

Quod itaq; Deus permittit voluntatem, seu liberum hominis arbitrium ita tentationibus abripi, ita in periculum animæ ac perditionis suæ trahi tentationē, nisi tentata taliter Catholica ouis vigilans, constans, immobilis, & cauta citò ad præmonentis Moyse præcitatam parænesin respexerit, ac prophetæ pseudopastoris illius aucta fuerit eloquia (quemadmodum idem Tobias ad eos qui patientiam eius & in bono perseuerantiam irridebant ac increpabāt eum. Nolite ita loqui (inquit) quoniam filij sanctorum sumus, & vitam illam expectamus, quam Deus daturus est his, qui fidem nunquam mutant ab eo) quantò magis patietur demonem vestimenta, voces, facies ac gestus piorum affabricare & supponere, vt eisdem in tentationis laqueos inducat, sed neutiquam disperdat. Quod si in simplici hæresi, & sic libere voluntatis arbitrio Deus non patitur quenquam tentari suprà id quod potest, sed nouit in tempore de tentationibus eripere.

213

Quantò magis offensam vel scandalum hoc maleficiale hominis innocentis præter vel extra omnem voluntatis eius assensum inimico praticare datum, remediabi-

diabitur in tempore, innocentiamq; ad manifestationē gloriæ suæ reuelabit Deus omnium bonorum & malorum æquus retributor. Agite ergo non dicamus cū Pharisæis & Iudæis, nonne potuit hic (intelligunt Christū) qui aperuit oculos cæci nati, etiam facere vt non moreretur Lazarus? Ioan. 11. Sic etiam innocentes quoscunq; & iustos suos vt pupillam oculi præseruare ne perditionem hanc vel discrimen incurrant maleficialis suspitionis? Sed potius dicamus cum Christomet ibid. Ioan. ca. 11. Infirmitas hæc, puta maleficialis, non erit ei in mortē, sed pro gloria Dei, vt glorificetur filius Dei per eum. Et paulò post: Nonne dixi tibi, si credideris, videbis gloriā Dei: & haud absoaum fuerit credere multos qui de tentationibus talibus Iudicum maleficiarijs vt eriperet eos Deus, promeruerunt, post in tanto luculentiorē fidei & gratiæ perfectionem ac obseruationem abiisse, confirmatosque vt sanctos obisse.

Vt itaque hanc in Dei nomine conceptam ad praxin concludamus quæstionem primam. Et si transfigurationes eas innocentum demus, rariores tamen eas in subiectum per se non adeò deprauatum vel notoriè criminolum esse putabimus (iustorum quippè non proditor sed protector Deus est) quàm in maleficas, & in alios extra diuinæ charitatis gratiam notoriè existētes personas delatas, proinde iudicum in hoc prudētia & discretio summè ac sanctè versabitur, qui circa comprehensę personę anterioris vitæ acta atq; indicia alia qualiacunq; diligenter inquirent, & eadem quàm diligentissimè aduertent, famæ cōprehensæ ac delationi cōplices maleficiæ (quod eam in cœtibus saltantem, & instar aliarū cum suo amasio conuersantē ac inde auolantē viderit) testantem ne quid minùs tribuāt, sed ea quæ de probationū coniunctione ac iudicantis religioso arbitrio passim Doctores inculcant & tradunt, vtī Dei & hominum ministri præ oculis fixè habeant.

In secunda quæstione erat aperienda illa differentia, quæ est inter veterum gētilium & paganorum religionem ac ritus) qui licet solem, lunam, aurum, argentum,

aliasq; creaturas adorauerunt, aliaq; multa fecerunt, atq; etiamnum faciant, quæ vera opera sunt diabolica & magorū, tamen quia illi professionē Deo nostro vero, eterno ac soli omnipotenti nunquā fecerunt, sed à parentib. maioribusq; suis ac sacrificijs aliter nō sunt instituti, sicque in ignorantia purę negationis versantur, idē veniā vel apud Deum, vel apud magistratū merebantur, suppliciumq; ignis nō experientur, si deuotē se ad pœnitentiā composuerint, ac Deo adhæserint nostro, quemadmodum in Iona Propheta dicitur in cap. fin. in fin. hisce verbis: Et ego parā Niniue ciuitati magnæ in qua sunt plus quā centum viginti millia hominum, qui nesciunt quid sit inter dextram & sinistram, & iumenta multa.) Necnon nostri hodie temporis in Christianismo maleficarum ac sacrilegorum professorum ritus ac abominanda exercitia, qui etiam pœnitentes & conuersi sententiā ignis nihilominus excipiunt, idq; propter pactum ac de composito cum dæmone factum detestabile fœdus, in quo miselli multum decipiuntur, nihilq; minùs quàm fides data per ipsum seruat.

216] Cæterum quia ad finem huius nostri laboris properamus, idē vnā adhuc quam didici magni illius Dionysij Carthusiani prophetica ac verē Catholicam esse sententiam, subnectere libuit: quā, quantum in omnibus, tamen bonis quàm malis hominum liberis actionibus, diuinæ omnipotentis secretam ac prædestinatam voluntatem, sapientiā, ac inperscrutabilem deitatem humanitūs arbitrari, scrutari, & æstimare liceat, perspicuē & docetur & explicatur: Is enim lib. suo de diuinis nominib. dicit, ac luculenter probat, in mundo nihil non bonū esse, nihil humanitūs fieri, quod non sit vel per se vel relatione bonū, quamuis aliud alio sit melius, hinc Iob cap. 3. nihil in terra sine causa fit, & de humo non egreditur dolor.

217 Ipse enim Deus, saluator noster splendor paternę gloriæ, expressaq; imago substantiæ illius, naturæ totiusq; vniuersæ est opifex, ab illo singulis creatis viuifica virtus infusa est, hoc est per eum vnumquodque, genuina suavi subsistit, insitq; facultate se protegit ac tuetur, qui

qui etiam secreto encomio suo voluntatem gloriæ ac maiestatis suæ in vetitis, iniustis, ac ab ipsa natura dānatis hominū actionibus subinde ita exequitur ac dilatat suam, atq; ex venenatis noxijsq; herbis (creaturis suis) salutaria pharmaca & theriacæ conficiuntur per medicos, qui immedicabilibus hominum morbis, sunt vtilissimæ ac necessariæ. In quem vsum hosce aliquando concin- 218
navi versus :

*Regnat in humanis diuina potentia rebus,
Iupiter est quodcunque vides quocunque moueris
Fortè nil est, medio posuit Deus omnia campo,
Omnia secreto maiora, minora gubernans,
Cuiuscunque rei sua causa per omnia lustrans
Omnia plena bonis, plena omnia miraculorum
Inuisibiliter, tamen alta in luce videmus
Cuncta creata hominis mediani a signa saluti.*

Et hoc idem metricè ita expressit Boët lib 3 de consolat.

tu cuncta superne

*Ducis ab exemplo pulchrum pulcherrimus ipse
Mundum mente gerens, similiq; in imagine formans.*

Iam tandem vt eò vndè digressi sumus nostra redeat o- 219
ratio, operiq; finem imponamus; illud in primis memoria libet repetere : naturalem diuinationem esse rerum futurarum, præteritarum vel præsentium anticipatio-
nem, quæ nihilominus occultæ sunt in cognitione cau-
sarum. Multa enim videmus oculis, & manibus nostris
palpamus, quorum manifestā causam reddere, aut etiā
nominare non possumus : & nihilominus illa verissimè
ita vt videmus & tægimus ita se habere credimus, prout
has inde à creatione mūdi ordinauit Deus; Deus qui pri-
ma æternaq; causa est, & à qua omnia æternaliter & im-
mobiliter depēdent. Cū enim omnes tam Christiani 220
quā Ethnici principiū & originem rerū omnīū visibiliū
& inuisibiliū, sine alio modo Deum statuunt, qui dixit
& facta sunt, potentiam cū voluntate in virtute actionū
omniū ita cōiungens, vt ea omnia quæcunq; & dicit & fa-
cit nihilominus ita inde à creatiōe mūdi in angelos suos,
hoc est spiritus ministeriales siue bonos siue malos di-

quorum operâ res omnes creatas instaurat, destruit, fouet, diruit & ædificat.

221 Vnde si quando Deum efficientem causam formare, vel materialem mundi, actionumque omnium quæ in mundo fiunt, dicimus, id de ministerio spirituum vel intelligentiarum, quæ ad has res & creatæ & destinatæ sunt, intelligendum.

222 Pie igitur & firmiter est credendum, Deum, qui omnibus rebus creatis suos angelos (quos intelligentias vocant) præfecit, etiam elemento aquæ suum spiritum ministerialem, tanquàm clientem addidisse, per quem omnia quæ circa hoc elemētum vult, compellat, agit & exequitur. Nam & quod cælos moueri cernimus, cælestiaq; lumina, id angelorū fit ministerio, qui propriè dicuntur angeli. Ergo nō mirum si Deus ter opt. Max. per virtutes cœlestes, hoc est, impressiones spirituum suorū vel angelorum multarum rerū mirabiliū sit & effector & autor, idq; inuisibiliter, ac nobis ignoto planè modo.

223 Quocirca si hęc aquæ probam probè ac sine fūco, certoq; ac patenti temporis spacio factum in diuini mysterij & voluntatis eius partem in solidum ponamus, plenèq; cōfidamus, neq; ambigamus quicquam, sanè propter causas supra passim positas, nō modò necessariam, sed & meritoriam eam fore consideremus: nam impietas, tepida confidentia ac mobilitas fidei nostræ, miraculorū insolentiā vel raritatem à Deo apud nos est causata, qui omnipotentiam voluntatis ac gratiæ suæ interdum reprimat, & celat nos hodiè, ne causam maiori inquinatiōni ac perditioni nostræ dare videatur, qui præcoci ac immaturâ sensibilitate nostrâ nitimur, sicq; dæmonem magis, quàm Deū deuinctum ac addictum nobis potiùs habemus. Sanè apud Israëliticum olim populū maior erat perpetuæ ac inextinguibilis confidentiæ ardor in Deū quàm hodie apud nos est, hinc illorū tot miraculosæ victoriæ, hinc tot virilis constantiæ, mulierū heroica ac diuina facta, hinc gentiliū paganorumq; strages, hinc spirituum bonorū vel geniorū miraculosæ ac frequentes illius temporis visibiles & inuisibiles apparitiones ac in bono propo-

AQVAE FRIGIDAE.

proposito ad bonos succursus ac auxilia: vt in Tobia, Apocalypsi ac alijs patet quàm plurimis exemplis.

Sin verò hanc probationis potestatem ac arbitrium 224
perficiendi ad dæmonem referamus; tunc licet auersâ ac infidâ id intentione faciamus, nempe quod sit proditor pacti & fidei maleficæ datæ, ac desertor eius quam protegere suscepit ac defendere. Idq; totû nihilominus permissione diuina factû dicamus: tam è quia detractio- nē aliquâ vel imminutionem diuinæ maiestatis, quasi per quandam concomitantia impingere vel etiâ populo imprimere videmur, sicq; gradum seu initium ad idolatriam, ad auersionem à Deo, ad superstitionem includimus, ac paulatim ad infidelitatem præmonstramus, seu quasi cordibus plebeciorum instillare videmus, qui propter pusillanimitatē ad quascunq; rerû aduersitates de gradu ac constantia fidei facilius deiciuntur, vel in ambiguo collocarētur, incautiùs fortè ad huius versutissimæ hostis scholam ac institutionem dilaberentur, si hæ ipsi abijciamus demergēdi vel superuehendi autoritatē.

Nam horrendæ omnes idolatriæ inde omninò pro- 225
uenerunt, quòd relictus fuerit Deus, bonorum accepto- rum honos exhibitus, actæque gratiæ, soli, luminibusq; cœlorum; tûm propter efficientiam aliquam rei mira- culosæ vel occultæ spiritibus aëris, postremo & inferioribus creaturis.

Præsupposito itaq; eo, (quemadmodum ex veritate 226
scripturæ verè est præsupponendum) quod Deo ter opt. Max. rerum omnium creaturarum opera siue bona siue mala sint attribuenda, & quidquid fit, id eius nutu, illius & suorum potius angelorum factio ac opera peragi: quin potius etiam hoc Magistratus factum ac in aqua tenta- men ad eiusdem Dei ac illius angelorum efficiendâ na- turali illis planè & prædestinato modò vnicè & insolidû referamus. Quæ sententia propiùs ad veritatem tendit, remotiùs à peccato, ac remotissimo à periculo recedit.

Hæc igitur satis futura esse censemus ad demonstrā- 227
dum naturalem hunc modum, quo illud quod scire cu- pimus, intelligimus, ac licitum & à Deo institutû agno- scimus.

scimus: melius sanè ac tutius; si ad ipsum, non ad alias res creatas honor & laus coram omnium nomine referatur, siue futuris rebus abditisque cognoscendis, siue efficiendis alijs incumbamus. Nam quatenus in causis naturalibus (quamvis latenter ac imperitis ferè incredibiliter) hic modus probandi consistit, eatenus licebit (quemadmodum & cœlestium luminum ac impressionum virtutes) perquirere, & in eodem versatur gloria Dei, qui per creaturas suas res tam facit admirabiles.

228

Sin verò naturaliter indagari non poterunt, vel ad dæmonem talium rerum virtutes deferimus, tunc si studiosius scrutari intendimus, in superstitionis laqueos, ac confusionis fidem incurrimus: hoc etenim modo videtur pactum implicitum ac præter intentionem cum dæmone haberi, quod is ex antecedente aliquo sibi præconcesso ac attributo, ad consequens minùs præuisum, imò & de iure minùs consequuturum fortè peruicaciter nihilominus extendit & decipit.

229

V Vilhelmus Adolphus Scribonius Marpurgensis tractatum scripsit & edidit anno 1588. Marpurgi typis Pauli Egenolphi luci datum. Is in 2. lib. de inquirendis per certa signa & rectè cognoscendis, examinandisque sagis dicit, hanc super vel innatationem sagarum ex sathanica quadam prouenire leuitate & causa scilicet efficiente, quod sathanas iustissimo & imperferutabili Dei iudicio sua leuitate attrahat, tollat retineatque sagas in alto aut superficie aquarum; est enim natura eius quā leuissima & aërea plùs de aëre quàm de aqua participans, vnde in aqua velut in elemento graviori crassioreque sagas eleuet & sustentet, illis subiacens, & eius quasi in dorso gestās, vel etiam eas ob inhabitantem illum corporib. suis spiritum leuissimum non submergi, totū illum in omnibus sagarum partibus inhabitare, id: oque illius etiā leuitate eas in aquis retineri, nō quæ hypostatica vniōne aut mixtione physica illorum naturæ quantum ad interiorē constitutionem attinet, coadunata esset, sed quæ illi salrēm adiuncta esset à præsentē sathana: cacadæmon ergò substantialiter sagis diffusus eas retinet, quantum scilicet

cet ad ipsum spiritum, qui sine sua essentia eas inhabitat, non quantum ad substantiam partium corporis sagarum; leuitas ergò ea non est quæ à forma corporis immediate prouenit, sed aduentitia, externa, aliundè accedens: Et paulò post idem Scribonius: Sagæ à sathana, inquit, ceu lictore Dei omnipotentis singulari quadam leuitate retinentur, ne aquis submergantur.

Quoniam verò lictor Dei & famulus est, potest id tantum expedire, quantum Deus iudex iustissimus, cum iubet, & cuius potentiam illi tribuit, vt videat ipse sathan nullam sibi esse potestatem condonandi seu remittendi peccata, vel potius eos diuinitus seruandi quos velit, sed solum seruitium sibi relinqui, quo Deo in puniendis sceleribus subministret.

Non potest itaque, etiam si maximè appetet insontes submergere, quia Deo contrarium hoc esset iudicium, vt insontes periclitarentur ob ea quæ nõ commississent. Longè si quidem credibilius est, inquit, de permissione & beneplacito Dei in sagis pet cacadæmonem puniendis, & de ipsius cacadæmonis potentia, quæ semper eatenus quibusdam ligata sit, ne vltra terminos à Deo prefinitos quicquam facere queat.

Quid porro si illis omisissis dicerem, Deum ipsum sagarum, quas scilicet verè reas esse nouit, corpora singulari quadam, & specifica leuitate inducere, quâ in superficie aquarum ferantur, inde certè non sequeretur Deum ab operibus creationis non cessasse. Ita enim prædisponere potuit, vt si quæ sagæ futuræ sint, speciali quodâ modo in aquis nequaquâ submergi debeant. Vtrum verò hoc omnipotentis diuinæ contrariū esse dicetur? Vtrum etiā volūtatē quia nõ expressè significatū est in sacris literis? minimè. Et paulò infra: aqua scilicet sagas in se ferre nõ potest: quomodo verò & quâ ob causam? Nempe Deus opt. Max. suo prudentissimo & iustissimo iudicio ab omnib. inde seculis elementū aquæ prædestinauit salutari regenerationis hominum lauacro, vt qui à peccatis ablueri essent, & Christi Ecclesiæ initiandi, huius Baptismate vicerentur, & per hoc medium noui homines fieri, quales

quasi per ianuam in Christi regnum ingrederentur, qui prius reiecti fueramus. Quandoquidem inquam, Vari-
niano quodam odio eas accusat & reijcit, vt si maximè
pro viribus tentent, non tamen submergi possint.

834

Et quodnam est illud odium? aquæ Deo placuerunt, quibus vsurpatis peccata hominum ablueret atque purgaret; in baptismo Christo Dei filio nomina nostra primum damus, & eius albo incorporamur, adeoq; in ciuitatem Dei vt germani ciues recipimur: ideoque omnes qui salui modo fieri volunt, sacræ huic baptismati immergi ac purgari oportet: at sagæ freto isto diuino lauacro toti Trinitati, Deo patri, filio & spiritui sancto, scientes volentes renunciant, & nihili de creatoris opera, nihil ordinationes & creaturas faciētes peccatores & apostatae oī maliorum sunt pessimi. Cum autem hoc scelere in toto mundo nullū scelestius vnquam definiri aut reperiri possit, quid dubitem dicere? si sagæ non submerguntur quis, id fieri ob peculiarem istā antipathiam, videlicet quod elementum aquæ nolit illas intra alucum suū recipere, sed omninò respuat, & omnibus modis fugiat, hunc scilicet in finem, vt peccatrices eiusmodi manifestentur. Nam & creaturæ inanimatæ seruiunt prædicationi & gloriæ nominis diuini, vt scilicet cœli, ita quoq; elementa enarrant gloriam Dei, tum aliās, tum in hoc si peccatum & iniustitia ab illis reuelata puniatur; aqua in baptismo est sacramentum, est signum, est sigillum initi inter Deum & hominem baptizatum noui sœderis. Quidni igitur eodem modo signum aut indicium esse possit dissoluti illius & fracti iterum sœderis? Et hanc rationem siue causam faciliè dixerim esse verissimam, vt si aliæ nullæ admittendæ videantur, vna tamen hæc recipienda sit.

836

Hæc ferè sunt, quæ Scribonius de hac aquæ probatione edisserit, cuius verba cerro ducti consilio ad sensum libuit integrè ascribere, ac ad finem huius operis nostri apponere, quia in eiusdem fine id manus nostras is autor primum venit. Planè quod is de lictore vel ministro Dei dæmone in hac purgatione adhibito, sentit id ex causis

sis supra proximè attractis, neq; Catholicæ nostræ religioni tutum erit per omnia concedere.

Nam etsi minimè id impiâ vel malitiosâ, ætas fortè 237
nostra sic teneret intentione; tamen quia per cõmunio-
nem illius mali hospitis, is applausum ac beneplacitum
aliquod ex hac delatione nostra in semet falsò concepi-
re, deludere, ac latèter vel occultè paulatim seducere in-
cautum populum post aliqua fortè secula posset, & sibi
creatoris sui virtutē attribuere vellet, quemadmodum
in superbia potentiae ac gloria regnorum suorum Pha-
rao Rex Aegypti dixerat: Meus est fluuius, & ego feci
memetipsum. Ezech. cap. 29.

Quò itaq; hanc probationem ab omnibus fallaciarū 238
inuolucris ab inconcessis dubitationum tricis liberam
purgatamq; reddamus, ac securiorem viâ ingrediamur,
in priori nostræ conclusionis parte censemus tenendū
circa huius aquatilis purgationis examen, quæ de man-
dato ordinarij magistratus procedit, nullum esse factum
nullum ministerium, neque operam vllam dæmonis,
sed Dei omnipotentis solius per suos ministeriales bo-
nos angelos id exequentis.

Ad alteram conclusionis partem de iudicio ac senti- 239
mento animi nostri (in initio quippè huius capituli bici-
pitum concludendi viam promiseram) quod attinet. Sa-
nè propter arcanam atq; excelsam minùs huius rei con-
stitutionem, veritas etiam comprehensa fortè, ægrè ta-
men apud quemuis defenditur, difficiliùs retinetur, ac
licet sæpè holitor sit oportuna locutus, tamen multum
intererit Dauus ne loquatur an heros, idèò ne scientiæ
vel sensuum altitudine potiùs, quàm exercitij Christia-
næq; charitatis pondere hæc scripsisse videar potiùs, to-
rum dependere me à S. matris Ecclesiæ autoritate pro-
fiteor nihilq; quod eidem in vllò aduersetur, determina-
tè multò minùs obstinatè defendere velle.

Illud tamen ad extremum identidem ac sincerè oēs 240
iudices ac Magistratus contronitos volo, vt hanc aqve
probam (quatenùs per superiores liceat) non modò re-
mere ac sine summa causa non adhibeant, sed etiam in

DEFENSIO PROBÆ

da exercenda, prudenter ac sollicitè aduertant, ne quid fraudis fuci vel imposturæ committatur. Item ad corporum mergendorū constitutiones ac sexum, item ad flumina medica vel physica prudentia doctè attēdant. Adsitque spacium omninò competens ac dilucidum, quo & Iudicibus (quos in rem præsentem venire, ac nō tantū oculis id quod agitur subijcere proprijs : Sed etiā carnificem officio authoritatis suæ seuerè cōueniet admonere, vt probè ac dextrè, si neque dolo & fraude rem hanc exerceat:) & quibuscunq̃ue circumstantibus omnis recta rectè dubitandi occasio eximatur supernatarioq̃; hæc præternaturalis euidentissimè ac singulorū oculis pateat infallibiliter, præstaretque eam maiori, quàm hactenus est factum fortè reuerentia, attentione ac deuotione peragi, prout suprà de sorte diximus.

241 Tandem verò quia tota perditæ huius artis actio mirè est tenebricosa (dùm sæpè quo minimè credis gurgite piscis erit.) & alioquin per se meritò misti fore esse perhibetur. Ideò tutius sentiēdum mihi tutius versandū Iudicibus circa hanc probationem, tūm & circa totam inquisitionem huius ludibrij existimaui, si & seculares, Ecclesiasticos, & vice versa sibi adiungant, saltem ætate, vitæ commendatione ac prudentia iudicandi venerabiles & discretos viros absque tamen confusione Iurisdictionum ac potestatum.

242 Vnicum semper fuit præsidium pijs, & tanquàm sacra anchora in summis periculis oratio, quæ est pia & ardens mentis ad Deum eleuatio, ac quasi quoddam cū Deo colloquium, quæ bona sunt precantis, & quæ sunt mala deprecantis. Ideò Iosaphat dicebat, vt habetur 2. Paralip. ca. 20. Cū ignoremus quid agere debeamus, hoc solum habemus residui vt oculos nostros dirigamus ad te. Inde memoriæ proditum est, quom M. Antoninus cognomēto Philosophus, bellum aduersus Marcomannos & Quados gereret, Romanusq̃; exercitus ardore ac siti laboraret, ad eum consilij planè inopem præfectus prætorijs cohortibus venit, eique fertur dixisse: nihil esse, quod ij qui Christiani nominantur, precibus impe-

AQVAE FRIGIDAE.

77

impetrare non possint, habebat autem in exercitu legionem vnā Christianorum militum, quare cognita, M. petiisse ab iis, vt Deo suo supplicarent, quod quum fecissent, Deum eos exaudisse subito, percussisseq; hostes fulmine, ac Roman. pluuiā recreasse, Roman. ad Christianorum preces largo imbri per Christi nomen impetrato, omnes cœlum suspexere, vt minus hoc miraculum oculis animisq; haurirent, quā sitibundo ore aquas: deinde securis galeisq; subiectis sorberent largiter, equisque ad bibendum darent, interea crebri fulminum ignes aqua & grādiue misti tantum terrorem barbaris iniiceret, vt eius belli victoria præter spem penes Romanos esset, certè rāæ miraculo rei attonitus Marc⁹, edito Christianos honore affecit, ipsamq; legionem ad perpetuum monumentum karunobolon appellauit. Epitome Xiphil. i. Dionis in M. Anton. Capitol. in Marco.

Quando itaque quilibet timoratus & prudens Iudex, 243
cū & quicunq; alius harum rerum lectione vacans, prudenter intelligere potest quod iudicium & censura hæc deceptionibus ac errorum tricis subiecta esse possit, quot molitionibus ille se impostor insinuet, facile quo aut reum eximat, aut in fontem iudicio implicet, adeoque iudicium interdum insidietur animis, vt illi timeant vbi non est timor, non timeant vbi timore opus sit, quibus omnibus omnipotentissimus Deus cuius & causa agitur imploratus & mederi vult, & accurrere nō tergiuersatur, idē hanc oratiunculam exempli saltem gratia ad calcem huius operis subijcere placuit, quemadmodū in Actis Apostolorum in fine capituli primi constat esse factum.

ORATIO.

IESV Christe, Deus meus fili Dei vivi patris nostri omnipotentis, te in functione hac iustitiæ tuæ vt duces, patronum, ac Imperatorem eiusdem suppliciter adoramus, ac in testimonium omnis tibi compertæ veritatis humilimè contestantes imploramus, coramq; te asserimus, quod hanc quam præ manibus habemus aquę probationem, neq; in vllius legis præuaricationē

F

neq;ue

DEFENSIO PROBÆ

neque in maioris vel minoris Magistratus seu potestatis ullius contemptum, neque temeritate vel leuitate consilij proprii, neque in scrutationem vel tentamen maiestatis gloriæ tuæ, sed de mera necessitate, in hoc genere summi ac occultissimi delicti mobilitateq; conceptarū probationum assumamus, vel exercere intendamus.

Te itaque, quem sanctorum patrum testimonio, ac sacrę pagine historia testante taliter ex fide inuocatum dubijs sæpè rebus affuisse, veritatiq; latenti lucem splendoris tui in confusionem omnium inimicorum tuorū impartiuisse didicimus, in virtute sanctæ obedientie, cōscientiæ ac officij nostri tremebundo ac venerabundo prorsus affectu efflagrando imploramus, confirmare digneris super hanc creaturam manifestationem glorię tuæ, & fortis ultor domine Deus reddens retribue, vt si rea sit perduellionis læsæq; maiestatis tuæ, fidem abiurata ad inimicum & hostem nominis tui cœdifraga deflexerit, te iuuante, qui solus potes omnia, elementum hoc tuum aque respuat, auersetur, ac non feret eandem, naturæq; tuæ oblitum supra se vt plumam eleuet, neque vt solet, demersionem patiatur circa illum aquæ laucrum regenerationis, & oblatae salutis despiciens; hostilibus persuationibus & imposturis locum dans, pactum abruptit, & ad deos abiit alienos, quocirca ad ignem sit condemnanda. Ediuersò verò, si vel falsis criminacionibus oppressa, vel passione errorum detenta fidem datam à te non dimouit, neque ad hostium castra confugit, sed sacrum illud character in baptismo ilij impressum inuiolatum adhuc tenet, licet nobiscum alias infirma sit peccatrix, iudiciumque ultionis sit demerita; tamen in virtute iustitiæ (misericordiæ tuæ dulcore semper temperata) te in nomine tuo, tuique ipsius gloria, ea qua humanitus est possibile deuotione & attentione exoramus: Confirma hac in parte innocentiam ipsius, neque cæterorum errorum intuitu hoc loci vindictā aduersus eam assumito, sed patere, satage quæso, ac placere tibi modis omnibus exoptamus, omnipotens ac æterne Deus, vt elemētum hoc tuum iudicium sit huius
occul-

AQVAE FRIGIDAE.

79

occultissimi reatus ac ruptæ fidei aduersus te detegende manifestum. Id quod non solum fuerit pro magno reuelamine & adminiculo huius detestabilitatis agnoscendæ omnibus in officina iudicandi existentibus in nomine tuo: sed etiam confusionem, sicque terrorem pariet maximū, ne seductioni huic ac tentaminibus hostis locum dent in posterū, dūm diffidationem illā quam contra te fecerunt dæmoni in secreto publicè compertam, ac in facie totius populi cōtestatam esse norunt apertò. Tandē verò, iustissime pariter ac misericordissime Deus, qui super multa & magna Israëlitici tui populi peccata olim multū sæpè indignationem concepisti. In primis verò ad hoc maleficiale crimen eorum super omnem furorem excandescens conturbatus es, benedictionibusque eorum ea propter maledixisti cum primis (cuius quidem per temetipsum ratio est tradita i. libro Reg. cap. 2. Si peccauerit vir in virum placari potest eis Deus, si autem in Deum peccauerit vir, quis orabit pro eo, quia honorantem me, ais, honorābo, & contemnentem me exponam contemptui.) Idcò mitte quæso, mitte ventilatores in medium degenerantium sagarum ac Maleficarum omnium maiorum & minorum, qui ventilent, perquirant, & dissipent illos, adueniat tempus vltionis eorum, & vicissitudinem ipse retribuas ipsis, conterere eos tanquam vas figuli, & confringe eos, operiat ignominia facies eorum, qui venerūt alieni super sanctificationem domus tuæ, qui contemnentes semetipsos gloriam & hereditatem nominis tui in abominationē posuerunt, & cum idolis contaminauerunt, qui ad irritandum te sacrificauerunt Baal & libauerunt dijs alienis, dicentes ligno: pater meus es tu, & lapidi, tu me genuisti, qui ad te vetterunt tergum & non faciem, qui dereliquerunt fontem aquæ viuæ, fodientes sibi cisternas dissipatas. Obstupescant etiam cœli desuper, quia non timuit fornicatrix Iuda, sed abiit & præuaricata est etiam amplius, facilitateque fornicationis suæ contaminauit totam terram, & mœchata est cum lapide & ligno, prosternens se sub omni ligno frondoso vt meretrix, & in

omnibus his non est reuerſa ad te in toto corde ſuo, ſed
 in mendacio indurauit faciem ſuam ſuper petram, iu-
 rans in his qui non ſunt dii, & mutans gloriam ſuam in
 idolum. Non permittre domine illū deuaſtatoſem diu-
 tius obtenebrare & perſequi regnum tuum, non patia-
 re illum bonis adeo inſultare cordibus, conſtringe cate-
 nis impotentia libidinem ipſius, tibi vindictam, & tu
 retribue. Nos opus manuum tuarum, duc nos in viam
 mandatorum tuorum, doce nos iuſtitias & iudicium
 tuum perſice de manu noſtra, ſuscita ergo & extimula
 ſpiritus omnium magiſtratuum in deſectionem & de-
 teſtationem omnis huius impietatis de generis fortis vi-
 ſtor domine exercituum reddens retribue, pone in pon-
 dere iudicium & iuſtitiam in menſura, ſubuertat gran-
 do tuus ſpem mendacij & protectionem eorum, aquæ
 inuadent, & deleatur ſædus eorum cum morte, & pa-
 ctum cum inferno non ſtet amplius, vt & omnis Iſraël
 timeat, & nequaquam vltra faciant hui⁹ rei quicquam
 ſimile. Conſecrentur manus noſtræ in vſionem huius
 deſteſtabilitatis hodiè, vnusquiſque in filio, in fratre, in
 proximo ac vicino ſuo, vt detur nobis benedictio tua.
 Tūc timentibus & venerantibus nobis in omni tribu-
 latione & anguſtijs noſtris nomen tuum, ouietur nobis
 ſol iuſtitie, & ſanitas in pennis noſtris, egrediemur & in-
 grediemur, & ſaliamus ſicut vitulus de armento, & cal-
 cabimus impios cum fuerint cinis ſub plāta pedum no-
 ſtrorum, occupabit ſalus muros noſtros, in pace & abū-
 dantia poſſidebimus filios noſtros, inebriabimur ab ub-
 bertate domus tuæ, & torrente voluptatis porabis nos,
 quoniam apud te eſt fons vitæ, & in lumine tuo vidi-
 mur lumen filij hominum in tegimine alarum tuarum
 ſperabunt, & tu domine exercituum ſpem nullius irritā
 eſſe ſines. Tūc benedicent omnes terre dominum, lau-
 dabunt inimici domini dominum exercitū. Tūc mi-
 ſericordias domini in æternum cantabimus, in genera-
 tione & generationem annuntiabimus veritatem in ore
 poſtro, &c. Amen.